

6夏、殷以上,后妃之制,其文略矣。《周礼》王者立后,三夫人,九嫔,二十七世妇,八十一女御,以备内职焉。后正位宫闱,同体天王。夫人坐论妇礼,九嫔掌教四德,世妇主丧、祭、宾客,女御序于王之燕寝。颁官分务,各有典司。女史彤管,记功书过。居有保阿之训,动有环佩之响。进贤才以辅佐君子,哀窈窕而不淫其色。所以能述宣阴化,修成内则,闺房肃雍,险謁不行也。故康王晚朝,《关雎》作讽;宣后晏起,姜氏请愆。及周室东迁,礼序凋缺。诸侯僭纵,轨制无章。齐桓有如夫人者六人,晋献升戎女为元妃,终于五子作乱,冢嗣遽屯。爰逮战国,风宪逾薄,适情任欲,颠倒衣裳,以至破国亡身,不可胜数。斯固轻礼弛防,先色后德者也。

秦并天下,多自骄大,宫备七国,爵列八品。汉兴,因循其号,而妇制莫厘。高祖帷薄不修,孝文衽席无辩。然而选纳尚简,饰玩少华。自武、元之后,世增淫费,至乃掖庭三千,增级十四。妖幸毁政之符,外姻乱邦之迹,前史载之详矣。

及光武中兴,斫雕为朴,六宫称号,唯皇后、贵人。贵人金印紫绶,奉不过粟数十斛。又置美人、宫人、彩女三等,并无爵秩,岁时赏赐充给而已。汉法常因八月,遣中大夫与掖庭丞及相工,于洛阳乡中阅视良家童女,年十三以上,二十已下,姿色端丽,合法相者,载还后宫,择视可否,乃用登御。所以明慎聘纳,详求淑哲。明帝聿遵先旨,宫教颇修,登建嫔后,必先令德,内无出阃之言,权无私溺之授,可谓矫其敝矣。向使国设外戚之禁,编著《甲令》,改正后妃之制,胎厥方来,岂不休哉!虽御己有度,而防闲未笃,故孝章以下,渐用色授,恩隆好合,遂忘淄蠹。魏因汉法,母后之号,皆如旧制,自夫人以下,世有增损。太祖建国,始命王后,其下五等:有夫人,有昭仪,有婕妤,有容华,有美人。文帝增贵嫔、淑媛、容、顺成、良人。明帝增淑妃、昭华、仪;除顺成官。太和中始复命夫人,登其位於淑妃之上。自夫人以下爵凡十二等:贵嫔、夫人,位次皇后,爵无所视;淑妃位视相国,爵比诸侯王;淑媛位视御史大夫,爵比县公;昭仪比县侯;昭华比乡侯;容比亭侯;仪比关内侯;婕妤视中二千石;容华视真二千石;美人视比二千石;良人视千石。

西汉：《外戚传》

高祖吕皇后，父吕公，单父人也，好相人。高祖微末时，吕公见而有异之，乃以女妻高祖生惠帝，鲁元公主，高祖为汉王，元年封吕公为临泗侯，二年，立孝惠为太子，

后汉王得定陶戚姬。爱幸，生赵王如意，太子为人仁弱，高祖以为不类己，常有废太子想法，吕后为人刚毅，佐高帝定天下，高祖崩，惠帝立。吕后为皇太后，乃令永巷囚戚夫人，赵王死，太后遂断戚夫人手足，去眼薰耳，名曰“人彘”，居数月召惠帝视人彘，次后饮酒作乐，不听政，七年崩，太后持天下八年，病犬祸而崩，

孝惠张皇后，宣平后傲尚帝姊鲁元公主，有女惠帝即位。吕太后欲以重亲，以公主女配帝为皇后。欲其生子，万方终无子，取后宫美人子为太子，美人杀一个，惠帝

崩，太子立为帝，乃自知不是皇后子，吕太后崩，大臣正之，族灭吕氏，独置孝惠皇后，废处北宫，孝文后元年薨，葬安陵，不起坟。

高祖薄姬。文帝母也，父吴人，秦时与故魏王宗宗女魏温通。生薄姬，魏豹立为王。许负相薄姬当生天子。豹及闻许负言，与楚合及汉，而薄姬梳织室，豹死，汉王入织室，见薄姬，得诏内入宫，汉王四年，汉王心凄然怜薄姬，欲幸薄姬，昨慕梦入妾胸。是贵征也，吾为汝成之。遂幸，有身，岁中生文帝，年八岁立为代王，自有子后，高祖崩，薄姬以希见故，得从子代，为代太后，代王立十七年，高后崩，大臣议立后，皆称薄姬仁善，迎立代王为帝，薄姬为皇太后，太后后文帝二岁，孝景前二年崩，葬南陵，用吕后不合葬长陵，

孝文窦皇后，景帝母，吕后时以良家子身份选入宫，太后出宫人五人赏赐诸王，窦姬在其中，至代，代王独宠幸姬，生女嫫。孝惠七年生景帝。代王王后生四男，先代王未入立为帝先王后而卒，乃代王为帝后，而代王后所生四男更病死，文帝立数月，有司奏请立太子，而窦姬男最长，立为太子，窦姬为皇后，女为馆陶长公主，明年封少子武为代王。后徙梁，是为梁孝王。文帝崩，景帝立，窦姬为皇太后。

太后自景帝六岁，凡立五十一年。元光六年崩，合葬霸陵，

孝景薄皇后，孝文薄太后家女也，景帝为太子时，取以为太子妃，景帝立。立薄妃为皇后，无子无宠，立六年。薄太后崩，皇后废，废后四年薨，葬长安城东平望亭南。

孝景王皇后，武帝母，父王仲，母燕王戚荼孙，为仲妻。生男信与两女。而仲死，戚改嫁为长陵田氏妇，生男田汾，胜，戚长女嫁为金王孙妇，生一女，而戚算卦两女当大贵。欲倚两女，夺金氏。金氏怒不肯与绝，乃内太子宫。太子幸爱之。生三女一男，男方在身时，王夫人梦曰：入其怀，以告太子未生而文帝崩，景帝立，王夫人生男，薄皇后无子。景帝立其栗姬男为太子，而王夫人男为胶东王。废太子为临江王，栗姬忧愤，不得见，以忧死，卒。立王夫人为皇后，男为太子，皇后立九年，景帝崩，武帝即位。为皇太后，尊太后母戚为平原君，封田汾为武安侯，胜为周阳侯，太后凡立二十五年，后景帝十五岁。元朔三年崩。合葬阳陵，

孝武陈皇后，长公主嫫女，传子至孙午，午尚长公主，生女。初武帝得立长主，娶主女为妃，即帝继位，立为皇后，凡十余年无子，擅宠娇贵，元光五年，上遂穷治之，女子楚服等为皇后行巫蛊诅咒，大逆不道，坐连者三百人，其上玺绶，罢退居长门宫，后数年，废后乃薨，葬霸陵朗官亭东。

孝武卫皇后字子夫，生微也，其家号卫氏。复幸，遂有身，尊宠。而子夫生三女，元朔元年生男据，遂立为皇后，皇后立七年，而男立为太子，后色衰，赵之王夫人

，中山李夫人有宠，皆蚤卒，卫后立三十八年，遭巫蛊事起，江充为奸，太子俱不能自明，后与据共诛充，发兵，兵败，太子亡走，执金吾策皇后玺绶。自杀。宣帝立乃改葬卫后，追谥为“思皇后”

孝武钩弋赵婕妤，昭帝母，家在河间，武帝巡狩过河，望气者言此有奇女，女两手皆拳，上披之，手即时申，遂得幸，号拳夫人。拳夫人进为婕妤，居钩弋宫，大有宠，泰始三年生昭帝，号钩弋子。后卫太子败，而燕王旦，广陵王胥多过失，宠姬王夫人男齐怀王，李夫人男昌邑哀王皆蚤薨，钩弋子年五六岁，壮大多知，上常言“类我”钩弋婕妤从幸甘泉。有过见遣，以忧死，因葬云阳。后上疾，乃立钩弋子为皇太子，明日，帝崩。昭帝即位，追尊钩弋婕妤为皇太后，发足两万人起云陵，邑三千户。

孝昭上官皇后，祖父桀，陇西人邽人，初桀子安娶霍光女，结果相亲，光休沐出，桀常代光入决事，昭帝始立年八岁，姊鄂邑盖长公主居禁中，共养帝，长主内周阳氏女，令配耦帝，时上官安有女，即霍光外孙，安因光欲内之，光以为尚幼，外人喜，言于长主，长主以为然，诏召安女入宫为婕妤。安为骑都尉。月余遂立为皇后，年六岁。安以后父封桑乐侯，日益娇淫，皇后立十岁而昭帝崩，后年十四五云，昌邑王贺征即位，尊皇后为皇太后，光与太后共废王贺，立孝宣帝，宣帝好位，为太皇太后，凡立四十七年，年五十二，建昭二年崩，葬平陵。

卫太子史良娣，宣帝祖母，太子有妃，有良娣，有儒子，妻、妾凡三等，子皆称皇孙。史良娣家本鲁国，有母贞君，史恭，蚁元鼎四年为良娣，生男进，号史皇孙。

武帝末，巫蛊事起，卫太子，史良娣及史皇孙皆遭遇害，史皇孙有一男，号皇曾孙。及生数月，犹坐太子系狱，积五岁乃遭赦。后曾孙收养于掖庭，登至尊位，是为宣帝。

史皇孙王夫人，宣帝母，名翁须，太始中得幸史皇孙，皇孙妻、帝无号位。皆称家人子，征和二年生宣帝，帝生数月，卫太子、皇孙败，家人子皆坐诛，唯宣帝得全，即尊位后，追尊母王夫人谥悼后，祖母史良娣谥戾后，皆改葬，起园邑，长丞奉守。

孝宣许皇后，元帝母，父广汉，昌邑人，少时为昌邑王朗，时宣帝养于掖庭，号皇曾孙，与广汉同寺居，时许广汉有女平君，年十四五岁，当为内令者殴侯氏子妇，临当入，殴侯氏子死，其母将行卜相“言当大贵”母独喜，曾孙体近，下人，乃关内侯，可妻也，广汉许诺，遂与曾孙，生元帝，数月。曾孙立为帝，平君为婕妤，是时霍光有女。与皇太后有亲，公卿更议立皇后，皆属霍将军女，亦未有言，上乃诏求微时故剑，大臣知指，立许婕妤为皇后，即立，明年。许皇后有娠，许后立三年而崩，谥恭哀皇后，葬杜南，为杜陵南园，后五年，立皇太子，乃封太子外祖父

封昌成君，广汉为平恩侯，位特进。

孝宣霍皇后，大司马、大将军，霍光女，母显，即时淳于衍阴杀许后，显因为成君衣补，治入宫具，果立为皇后，初许后微贱，登至尊浅，从官车服甚节俭，五日一朝皇太后于长乐宫，以妇道恭养。即霍后立，亦修许后故事，而皇太后亲霍后姊子，立三岁而光薨，后一岁，上立许后男为太子，复较霍后令毒杀太子，皇后数召太子赐食，后携毒不得行，后毒杀许后事泄，显遂与诸婿谋反，发觉，皆诛灭。霍后立五年废黜昭台宫，后十二岁，徙云林馆，乃自杀，葬昆吾亭东。

孝宣王皇后，父奉光，奉光少时好斗鸡，宣帝在民间数与奉光会，相识，奉光有女十余岁，每当适人，所当适皆死。宣帝即位，即召入后宫，稍进为婕妤，是时馆陶王母华婕妤及淮阳宪王母张婕妤、楚孝王母卫婕妤皆爱幸，霍皇后废后，上怜许太子蚤失母，几为霍氏所害，遂立王婕妤为皇后，令母养太子，无宠。立十六年，宣帝崩，元帝即位，为皇太后，元帝崩，成帝即位。为太皇太后，时成帝母亦姓王氏，故世号太皇太后为巩成太后。巩成太后凡立四十九年，年七十余岁，永始元年崩，合葬杜陵，称东园。

孝元王皇后，成帝母也，家凡十侯，五大司马，

孝成许皇后，大司马车骑将军平恩侯嘉女也，元帝悼伤母恭哀后居位日浅遭霍氏之辜，故选嘉女以配皇太子。久之，有一男，失之，乃成帝即位，立许妃为皇后，复生一女，失之。后聪慧，善史书，自为妃至即位，常宠于上，后宫希得进见。

许氏自知为风所不佑，久之，皇后宠亦益衰，而后宫多新宠。后姊平安刚侯夫人等为媚道祝诅后宫有身者王美人及风等。事发觉，太后大怒，下吏拷问，碣等诛死，许后坐废除孝台宫，后弟子平恩侯旦就国。凡立十四年而废，再昭台岁月，还徙长定宫。是岁，废后败，先是废后姊靡寡居与定陵侯淳于长私通，因为之小妻，长给之曰：我能白东宫，复立许氏为左皇后，废后因靡私贿遗长，数通书记相报谢。长书有勃谩。发觉，天子使庭尉孔光持节赐废后药。自杀，葬延陵交道厩西。

孝成班婕妤，帝出即位选入后宫。始为少使，娥而大幸，为婕妤，居曾成舍，再就馆，有男，数月失之，太后闻之喜曰，古有樊姬，今有班婕妤，鸿嘉三年赵飞燕僭告许皇后、班婕妤，携媚道。祝诅后宫。詈及主上，许皇后坐废，孝问班婕妤，婕妤对曰：生死有命，富贵在天。上善其对，怜悯之，赐黄金百两，赵氏姐妹妒忌，班婕妤恐久之，退求长信宫，至成帝崩，婕妤充奉园陵，薨，因葬园中，

孝成赵皇后，本长安宫人，初生时，父母不举，三日不死，乃收养之，及壮。属阳阿主家，学歌舞，取名飞燕，俱立为婕妤，贵顷后宫，许后坐废，上欲立赵婕妤，皇太后嫌其所出微甚，难之。末年，定陶太后私贿赵皇后，昭仪，定陶王境为太子

，明年，成帝崩，帝素强，无疾病。皇太后诏大司马，丞相大司空，赵昭仪自尽。

哀帝即位，尊赵皇后为皇太后，哀帝崩，王莽诏曰：前皇太后与昭仪俱侍帷幄，姊帝专宠锢寝，无母仪天下之义，贬皇太后为孝成皇后，徙居北宫，后月余，复下诏：皇后自知罪孽深重，有失妇道，今贬皇后为庶人，就其园，是日自杀，立十六年而诛。

孝元傅昭仪，哀帝祖母，父河内温人，蚤卒，母嫁魏郡郑翁妻，生男挥，昭仪少为上官太后才人，自元帝为太子，得进幸，元帝即位，立为婕妤，甚有宠，为人有才略，产一男一女，女为平郡公主，男为定陶恭王，恭王有才艺，犹爱与上，元帝即重傅婕妤，及冯婕妤亦幸，以二人皆有子为王，上尚在，二人未得称太后，更号为昭仪，

元帝崩，傅昭仪随王归国，称定陶太后，后十年，恭王薨，子代为王。母为丁姬，元延四年，孝王及定陶王皆入朝。定陶太后私贿赵皇后，明年，遂征立定陶王为太子，成帝崩，哀帝即位。王太后诏令，傅太后，丁太后，十日一至未央宫，后乃白令王太后下诏尊定陶恭王为恭皇，尊傅太后为恭皇太后，丁姬为恭皇后，后岁余。遂下诏，恭皇太后尊为帝太太后，丁后为帝太后，后更名为，帝太太后改为皇太太后，称永信宫，帝太后称中安宫，而成帝母太皇太后称长信宫，成帝赵后为皇太后，并四太后，元寿元年崩。合葬渭陵，称孝元傅皇后。

定陶丁姬，哀帝母，家在山阳瑕丘，父至庐江太守。始，定陶恭王先为山阳王，而丁氏内其女为姬，王后姓张氏，唯丁姬河平四年生哀帝，丁姬为帝太后，建平二年丁太后崩，东送葬于定陶，贵震山东，

元始五年，恭王母，丁姬前不臣妾，至葬渭陵，徙恭王母及丁姬归定陶，丁姬复其故。

孝元冯昭仪，平帝祖母，元帝即位两年，以选入后宫。时父奉世为执金吾，昭仪始为长使，数月至美人，后五年就馆生男，拜为婕妤。明年夏。冯婕妤男为信都王，尊婕妤为昭仪。元帝崩，为信都太后，与王俱居储元宫，河平中，随王之国，后徙中山，是为孝王，是岁。孝王薨，有一男，嗣为王，时未满岁。有眚病，后因诬告祝诅上及太后自杀，哀帝崩，大司徒孔光奏请免为庶人，

中山卫姬，平帝母，父子豪。中山庐奴人，官至卫尉。子豪女弟为宣帝婕妤。生楚孝王，长女为元帝婕妤，生平阳公主，成帝时，中山孝王无子。上以卫氏吉祥，以子豪少女配孝王。元延四年，生平帝，平帝年二岁，孝王薨，代为王。哀帝崩，无嗣。

卫宝女为中山王后，免后，徙贺浦，唯卫后再，王莽篡国，废为家人，后岁余卒，葬孝王旁。

孝平王皇后，安汉公太傅大司马莽女，平帝即位，年九岁，成帝母太皇太后称制，而莽秉政，莽欲以霍光故事，以女配帝，太后意不欲也。迎皇后于安汉公第，宫，奉，綬皇后玺，皇后立三月，以立见高庙。后立岁余，平帝崩，莽立孝宣帝玄孙婴为孺子，莽摄帝位，尊皇后为皇太后，三年，莽即真，以婴为定安公，改皇太后为定安公太后。太后时年十八岁，为人婉贞有节操。汉兵诛莽，火烧未央宫，后曰：何以见汉家人，投火中自尽，

东汉：《皇后列传》

光武郭皇后讳圣通，真定人也。为郡著姓。父昌，让田宅财产数百万与异母弟，国人义之。仕郡功曹。娶真定恭王女，号郭主，生后及子况。昌早卒。郭主虽王家女，而好礼节俭，有母仪之德。更始二年春，光武击王郎，至真定，因纳后，有宠。及即位，以为贵人。

建武元年，生皇子。帝善况小心谨慎，年始十六，拜黄门侍郎。二年，贵人立为皇后，为皇太子，封况绵蛮侯。以后弟贵重，宾客辐凑。况恭谦下士，颇得声誉。十四年，迁城门校尉。其后，后以宠稍衰，数怀怨怼。十七年，遂废为中山王太后，进后中子右翊公辅为中山王，以常山郡益中山国。徙封况大国，为阳安侯。后从兄竟，以骑都尉从征伐有功，封为新侯，官至东海相。竟弟匡为发干侯，官至太中大夫。后叔父梁，早终，无子。其婿南阳陈茂，以恩泽封南侯。

二十年，中山王辅复徙封沛王，后为沛太后。况迁大鸿臚。帝数幸其第，会公卿诸侯亲家饮燕，赏赐金钱缣帛，丰盛莫比，京师号况家为金穴。二十六年，后母郭主薨，帝亲临丧送葬，百官大会，遣使者迎昌丧柩，与主合葬，追赠昌阳安侯印绶，谥曰思侯，二十八年，后薨，葬于北芒。

帝怜郭氏，诏况子璜尚阳公主，除璜为郎。显宗即位，况与帝舅阴识、阴就并为特进，教授赏赐，恩宠俱渥。礼待阴、郭，每事必均。永平二年，况卒，赠赐甚厚，帝亲自临丧，谥曰节侯，子璜嗣。

元和三年，肃宗北巡狩，过真定，会诸郭，朝见上寿，引入倡饮甚欢。以太牢具上郭主冢，赐粟万斛，钱五十万。永元初，璜为长乐少府，子举为侍中，兼射声校尉。及大将军窦宪被诛，举以宪女婿谋逆，故父子俱下狱死，家属徙合浦，宗族为郎吏者，悉免官。新侯竟初为骑将，从征伐有功，拜东海相。永平中卒，子嵩嗣；嵩卒，追坐染楚王英事，国废。建初二年，章帝绍封嵩子勤为伊亭侯，勤无子，国除。发干侯匡，官至太中大夫，建武三十年卒

,子勋嗣;勋卒,子骏嗣,永平十三年,亦坐楚王英国,失国。建初三年,复封骏为观都侯,卒,无子,国除。郭氏侯者凡三人,皆绝国。

论曰:物之兴衰,情之起伏,理有固然矣。而崇替去来之甚者,必唯宠惑乎?当其接床第,承恩色,虽险情赘行,莫不德焉。及至移意爱,析私,虽惠心妍状,愈献丑焉。爱升,则天下不足容其高;欢队,故九服无所逃其命。斯诚志士之所沉溺,君人之所抑扬,未或违之者也。郭后以衰离见贬,恚怨成尤,而犹恩加别馆,增宠党戚。至乎东海逡巡,去就以礼,使后世不见隆薄进退之隙,不亦光于古乎!

光烈阴皇后讳丽华,南阳新野人。初,光武适新野,闻后美,心悦之。后至长安,见执金吾车骑甚盛,因叹曰:「仕宦当作执金吾,娶妻当得阴丽华。」更始元年六月,遂纳后于宛当成里,时年十九。及光武为司隶校尉,方西之洛阳,令后归新野。及邓奉起兵,后兄识为之将,后随家属徙阴,止于奉舍。

光武即位,令侍中傅俊迎后,与胡阳、宁平主诸宫人俱到洛阳,以后为贵人。帝以后雅性宽仁,欲崇以尊位,后固辞,以郭氏有子,终不肯当,故遂立郭皇后。建武四年,从征彭宠,生显宗于元氏。九年,有盗劫杀后母邓氏及弟,帝甚伤之,乃诏大司空曰:「吾微贱之时,娶于阴氏,因将兵征伐,遂各别离。幸得安全,俱脱虎口。以贵人有母仪之美,宜立为后,而固辞弗敢当,列于媵妾。朕嘉其义让,许封诸弟。未及爵士,而遭患逢祸,母子同命,愍伤于怀。《小雅》曰:「将恐将惧,惟予与汝。将安将乐,汝转弃予。」风人之戒,可不慎乎?其追爵溢贵人父陆为宣恩哀侯,弟为宣义恭侯,以弟就嗣哀侯后。及尸柩在堂,使太中大夫拜授印绶,如在国列侯礼。魂而有灵,嘉其宠荣!」

十七年,废皇后郭氏而立贵人。制诏三公曰:「皇后怀执怨怼,数违教令,不能抚循它子,训长异室。宫闱之内,若见鹰。既无《关雎》之德,而有吕、霍之风,岂可托以幼孤,恭承明祀。今遣大司徒涉、宗正吉持节,其上皇后玺绶。阴贵人乡里良家,归自微贱。自我不见,于今三年。宜奉宗庙,为天下母。主者详案旧典,时上尊号。异常之事,非国休福,不得上寿称庆。」后在位恭俭,少嗜玩,不喜笑谑。性仁孝,多矜慈。七岁失父,虽已数十年,言及未曾不流涕。帝见,常叹息。

显宗即位,尊后为皇太后。永平三年冬,帝从太后幸章陵,置酒旧宅,会阴、邓故人诸家子孙,并受赏赐。七年,崩,在位二十四年,年六十,合葬原陵。

明帝性孝爱,追慕无已。十七年正月,当谒原陵,夜梦先帝、太后如平生欢。既寤,悲不能寐,即案历,明旦日吉,遂率百官及故客上陵。其日,降甘露于陵树,帝令百官采取以荐。会毕,帝从席前伏御床,视太后镜奁中物,感动悲涕,令易脂泽装具。左右皆泣,莫能仰视焉。

明德马皇后讳某,伏波将军援之小女也。少丧父母。兄客卿惠敏早夭,母蒲夫人悲伤发疾恍惚。后时年十岁,干理家事,敕制僮御,内外咨禀,事同成人。初,诸家莫知者,后闻之,咸叹异焉。后尝久疾,太夫人令筮之,筮者曰:「此女虽有患状而当大贵,兆不可言也。」后又呼相者使占诸女,见后,大惊曰:「我必为此女称臣。然贵而少子,若养它子者得力,乃当逾于所生」

初,援征五溪蛮,卒于师,虎贲中郎将梁松、黄门侍郎窦固等因谮之,由是家益失势,又数为权贵所侵侮。后从兄严不胜忧愤,白太夫人绝窦氏婚,求进女掖庭。乃上书曰:「臣叔父援孤恩不报,而妻子特获恩全,戴仰陛下,为天为父。人情既得不死,便欲求福。窃闻太子、诸王妃匹未备,援有三女,大者十五,次者十四,小者十三,仪状发肤,上中以上。皆孝顺小心,婉静有礼。愿下相工,简其可否。如有万一,援不朽于黄泉矣。又援姑姊妹并为成帝婕妤,葬于延陵。臣严幸得蒙恩更生,冀因缘先姑,当充后宫。」由是选后入太子宫。时年十三。奉承阴后,傍接同列,礼则修备,上下安之。遂见宠异,常居后堂。

显宗即位,以后为贵人。时后前母姊女贾氏亦以选入,生肃宗。帝以后无子,命令养之。谓曰:「人未必当自生子,但患爱养不至耳。」后于是尽心抚育,劳悴过于所生。肃宗亦孝性淳笃,恩性天至,母子慈爱,始终无纤介之间。后常以皇嗣未广,每怀忧叹,荐达左右,右恐不及。后宫有进见者,每加慰纳。若数所宠引,辄增隆遇。永平三年春,有司奏立长秋宫,帝未有所言。皇太后曰:「马贵人德冠后宫,即其人也。」遂立为皇后。

先是数日,梦有小飞虫无数赴着身,又入皮肤中而复飞出。即正位宫闱,愈自谦肃。身长七尺二寸,方口,美发。能诵《易》,好读《春秋》、《楚辞》,尤善《周官》、《董仲舒书》。常衣大练,裙不加缘。朔望诸姬主朝请,望见后袍衣疏粗,反以为绮,就视,乃笑。后辞曰:「此繒特宜染色,故用之耳。」六宫莫不叹息。帝尝幸苑囿离宫,后辄以风邪露雾为戒,辞意款备,多见详择。帝幸濯龙中,并召诸才人,下邳王已下皆在侧,请呼皇后。帝笑曰:「是家志不好乐,虽来无欢。」是以游娱之事希尝从焉。

十五年,帝案地图,将封皇子,悉半诸国。后见而言曰:「诸子裁食数县,干制不已俭乎?」帝曰:「我子岂宜与先帝子等乎?岁给二千万足矣。时楚狱连年不断,囚相证引,坐系者甚众。后虑其多滥,乘间言及,恻然。帝感悟之,夜起仿,为思所纳,卒多有所降宥。时诸将奏事及公卿较议难平者,帝数以试后。后辄分解趣理,各得其情。每于侍执之际,辄言及政事,多所巢梗而未尝以家私干。故宠敬日隆,始终无衰。」

及帝崩,肃宗即位,尊后曰皇太后。诸贵人当徙居南宫,太后感析别之怀,各赐王赤绶,加安车驷马,白越三千端,杂帛二千匹,黄金十斤。自撰《显宗起居注》,削去兄防参医药事。帝请曰:「黄门舅旦夕供养且一年,既无褒异,又不录勤劳,无乃过乎!」太后曰:「吾不欲令后世闻先帝数亲后宫之家,故不著也。」

建初元年,帝欲封爵诸舅,太后不听。明年夏,大旱,言事者以为不封外戚之故,有司因此上奏,宜依旧典。太后诏曰:「凡言事者皆欲媚朕以要福耳。昔王氏五侯同日俱封,其时黄雾四塞,不闻澍雨之应。又田、窦婴,宠贵横恣,倾覆之祸,为世所传。故先帝防慎舅氏,不令在枢机之位。诸子之封,裁令半楚、淮阳诸国,常谓'我子不当与先帝子等'。今有司奈何欲以马氏比阴氏乎!吾为天下母,而身服大练,食不求甘,左右但着帛布,无香薰之饰者,欲身率下也。以为外亲见之,当伤心自敕,但笑言太后素好俭。前过濯龙门上,见外家问起居者,车如流水,马如游龙,仓头衣绿,领袖正白,顾视御者,不及远矣。故不加谴怒,但绝岁用而已,冀以默愧其心,而犹懈怠,无忧国忘家之虑。知臣莫若君,况亲属乎?

吾岂可上负先帝之旨,下亏先人之德,重袭西京败亡之祸哉!」固不许。

帝省诏悲叹,复重请曰:「汉兴,舅氏之封侯,犹皇子之为王也。太后诚存谦虚,奈何令臣独不加恩三舅乎?且卫尉年尊,两校尉有大病,如令不讳,使臣长抱刻骨之恨。宜及吉时,不可稽留。」

太后报曰:「吾反复念之,思令两善。岂徒欲获谦让之名,而使帝受不外施之嫌哉!昔窦太后欲封王皇后之兄,丞相条侯言受高祖约,无军功,非刘氏不侯。今马氏无功于国,岂得与阴、郭中兴之后等邪?常观富贵之家,禄位重叠,犹再实之木,其根必伤。且人所以愿封侯者,欲上奉祭祀,下求温饱耳。今祭祀则受四方之珍,衣食则蒙御府余资,斯岂不足,而必当得一县乎?吾计之孰矣,勿有疑也。夫至孝之行,安亲为上。今数遭变异,谷价数倍,忧惶昼夜,不安坐卧,而欲先营外封,违慈母之拳拳乎!吾素刚急,有匈中气,不可不顺也。若阴阳调和,边境清静,然后行子之志。吾但当含饴弄孙,不能复关政矣。」

时,新平主家御者失火,延及北阁后殿。太后以为己过,起居不欢。时当谒原陵,自引守备不慎,见陵园,遂不行,初,太夫人葬,起坟微高,太后以为言,兄廖等即时减削。其外亲有谦素义行者,辄假借温言,赏以财位。如有纤介,则先见严恪之色,然后加谴。其美军服不轨法度者,便绝属籍,遣归田里。广平、巨鹿、乐成王车骑朴素,无金银之饰,帝以白太后,太后即赐钱各五百万。于是内外从化,被服如一,诸家惶恐,倍于永平时。乃置织室,蚕于濯龙中,数往观视,以为娱乐。常与帝旦夕言道政事,乃教授诸小王,论议经书,述叙平生,雍和终日。

四年,天下丰稔,方垂无事,帝遂封三舅廖、防、光为列侯。并辞让,愿就关内侯。太后闻之,曰:「圣人设教,各有其方,知人情性莫能齐也。吾少壮时,但慕竹帛,志不顾命。今虽已老,而复'戒之在得',故日夜惕厉,思自降损。居不求安,食不念饱。冀乘此道,不负先帝。所以化导兄弟,共同斯志,欲令瞑目之日,无所复恨。何意老志复不从哉?万年之日长恨矣!」廖等不得已,受封爵而退位归第焉。

太后其年寝疾,不信巫祝小医,数赖绝祷祀。至六月,崩。在位二十三年,年四十余。合葬显节陵。

贾贵人,南阳人。建武末选入太子宫,中元二年生肃宗,而显宗以为贵人。帝既为太后所养,专以马氏为外家,故贵人不登极位,贾氏亲族无受宠荣者。及太后崩,乃策书加贵人王赤绶,安车一驷,永巷宫人二百,御府杂帛二万匹,大司农黄金千斤,钱二千万。诸史并阙后事,故不知所终。

章德窦皇后讳某,扶风平陵人,大司空融之曾孙也。祖穆,父勋,坐事死,事在《窦融传》。勋尚东海恭王女阳公主,后其长女也。家既废坏,数呼相工问息耗,见后者皆言当大尊贵,非臣妾容貌。年六岁能书,亲家皆奇之。建初二年,后与女弟俱以选例入见长乐宫,进止有序,风容甚盛。肃宗先闻后有才色,数以讯诸姬傅。及见,雅以为美,马太后亦异焉,因入掖庭,见于北宫章德殿。后性敏给,倾心承接,称誉日闻。明年,遂立为皇后,妹为贵人。七年,追爵谥后父勋为安成思侯。后宠幸殊特,专固后宫。

初,宋贵人生皇太子庆,梁贵人生和帝。后既无子,并疾忌之,数间于帝,渐致疏嫌。因诬宋贵人挟邪媚道,遂自杀,废庆为清河王,语在《庆传》。

梁贵人者,褒亲愍侯梁竦之女也。少失母,为伯母舞阴长公主所养。年十六,亦以建初二年与中姊俱选入掖庭为贵人。四年,生和帝。后养为己子。欲专名外家而忌梁氏。八年,乃作飞书以陷竦,竦坐诛,贵人姊妹以忧卒。自是宫房息,后爱日隆

及帝崩,和帝即位,尊后为皇太后。皇太后临朝,尊母阳公主为长公主,益汤沐邑三千户。兄宪,弟笃、景,并显贵,擅威权,后遂密谋不轨,永元四年,发觉被诛。

九年,太后崩,未及葬,而梁贵人姊上书陈贵人枉歿之状。太尉张、司徒刘方、司空张奋上奏,依光武黜吕太后故事,贬太后尊号,不宜合葬先帝。百官亦多上言者。帝手诏曰:「窦氏虽不遵法度,而太后常自减损。朕奉事十年,深惟大义,礼,臣子无贬尊上之文。恩不忍离,义不忍亏。案前世上官太后亦无降黜,其勿复议。」于是合葬敬陵。在位十八年。

帝以贵人酷歿,敛葬礼阙,乃改殡于承光宫,上尊谥曰恭怀皇后,追服丧制,百官缟素,与姊大贵人俱葬西陵,仪比敬园。

和帝阴皇后讳某,光烈皇后兄执金吾识之曾孙也。后少聪慧,善书艺

永元四年,选入掖庭,以先后近属,故得为贵人。有殊宠。八年,遂立为皇后。

自和熹邓后入宫,爱宠稍衰,数有恚恨。后外祖母邓朱出入宫掖。十四年夏,有言后与

朱共挟巫蛊道,事发觉,帝遂使中常侍张慎与尚书陈褒于掖庭狱杂考案之。朱及二子奉、毅与后弟轶、辅、敞辞语相连及,以为祠祭祝诅,大逆无道。奉、毅、辅考死狱中。帝使司徒鲁恭持节赐后策,上玺绶,迁于桐宫,以忧死。立七年,葬临平亭部。父特进纲自杀。轶、敞及朱家属徙日南比景县,宗亲外内昆弟皆免官还田里。永初四年,邓太后诏赦阴氏诸徙者悉归故郡,还其资财五百余万。

和熹邓皇后讳绥,太傅禹之孙也。父训,护羌校尉;母阴氏,光烈皇后从弟女也。后年五岁,太傅夫人爱之,自为剪发。

夫人年高目冥,误伤后额,忍痛不言。左右见者怪而问之,后曰:「非不痛也,太夫人哀怜为断发,难伤老人意,故忍之耳。」六岁能《史书》,十二通《诗》、《论语》。诸兄每读经传,辄下意难问。志在典籍,不问居家之事。母常非之,曰:「汝不习女工以供衣服,乃更务学,宁当举博士邪?」后重违母言,昼修妇业,暮诵经典,家人号曰「诸生」。父训异之,事无大小,辄与详议。

永元四年,当以选入,会训卒,后昼夜号泣,终三年不食盐菜,憔悴毁容,亲人不识之。后尝梦扞天,荡荡正青,若有钟乳状,乃仰嗽饮之。以讯诸占梦,言尧梦攀天而上,汤梦及天而之,斯皆圣王之前占,吉不可言。又相者见后惊曰:「此成汤之法也。」家人窃喜而不敢宣。后叔父该言:「常闻活千人者,子孙有封。兄训为谒者,使修石臼河,岁活数千人。天道可信,家必蒙福。」初,太傅禹叹曰:「吾将百万之众,未尝妄杀一人,其后世必有兴者。」

七年,后复与诸家子俱选入宫。后长七尺二寸姿颜姝丽,绝异于众,左右皆惊。八年冬,入掖庭为贵人,时年十六。恭肃小心,动有法度。承事阴后,夙夜战兢。接抚同列,常克己以下之,虽宫人隶役,皆加恩借。帝深嘉爱焉。及后有疾,特令后母兄弟入视医药,不限以日数。后言于帝曰:「宫禁至重,而使外舍久在内省,上令陛下有幸私之讥,下使贱妾获不知足之谤。上下交损,诚不愿也。」帝曰:「人皆以数入为荣,贵人反以为忧,深自抑损,诚难及也。」每有宴会,诸姬贵人竞自修整,簪珥光采,袿裳鲜明,而后独着素,装服无饰。其衣有与阴后同色者,即时解易。若并时进见,则不敢正坐离立,行则倮身自卑。帝每有所问,常逡巡后对,不敢先阴后言。帝知后劳心曲体,叹曰:「修德之劳,乃如是乎!」后阴后渐疏,每当御见,辄辞以疾。时帝数失皇子,后忧继嗣不广,恒垂涕叹息,数选进才人,以博帝意。

阴后见后德称日盛,不知所为,遂造祝诅,欲以为害。帝尝寝病危甚,阴后密言:「我得意,不令邓氏复有遗类!」后闻,乃对左右流涕言曰:「我竭诚尽心以事皇后,竟不为所为而当获罪于天,妇人虽无从死之义,然周公身请武王之命,越姬心誓必死之分,上以报帝之恩,中以解宗族之祸,下不令阴氏有人豕之讥。」即欲饮药,宫人赵玉者固禁之,因诈言属有使来,上疾已愈。后信以为然,乃止。明日,帝果廖。

十四年夏,阴后以巫蛊事废,后请救不能得,帝便属意焉。后愈称疾笃,深自闭绝。会有司奏建长秋宫,帝曰:「皇后之尊,与朕同体,承宗庙,母天下,岂易哉!唯邓贵人德冠后庭,乃可当之。」至冬,立为皇后。辞让者三,然后即位。手书表谢,深陈德薄,不足以充小君之选。是时,方国贡献,竞求珍丽之物,自后即位,悉令禁绝,岁时但供纸墨而已。帝每欲官爵邓氏,后辄哀请谦让,故兄骘终帝世不过虎贲中郎将。

元兴元年,帝崩,长子平原王有疾,而诸皇子天没,前后十数,后生者辄隐秘养于人间。殇帝生始百日,后乃迎立之。尊后为皇太后,太后临朝。和帝葬后,宫人并归园,而诸皇子天没,前后十数,后生者辄隐秘养于人间。殇帝生始百日,后乃迎立之。尊后为皇太后,太后临朝。和帝葬后,宫人并归园,太后赐周、冯贵人策曰:「朕与贵人托配后庭,共欢等列,十有余年。不获福先帝早弃天下,孤心茕茕,靡所瞻仰,夙夜永怀感怆发中。今当以旧典分归外园,惨结增叹,燕燕之诗,曷能喻焉?其赐贵人王青盖车,采饰辂,驂马各一驷,黄金三十斤,杂帛三千匹,白越四千端。」又赐冯贵人王赤绶,以未有头上步摇、环佩,加赐各一具。

是时新遭大忧,法禁未设。宫中亡大珠一筐,太后念,欲考问,必有不辜。乃亲阅宫人,观察颜色,即时首服。又和帝幸人吉成,御者共枉吉成以巫蛊事,遂下掖庭考讯,辞证明白。太后以先帝左右,待之有恩,平日尚无恶言,今反若此,不合人情,更自呼见实核,果御者所为。莫不叹服,以为圣明。常以鬼神难征,淫祀无福。乃诏有司罢诸祠官不合典礼者。又诏赦除建武以来诸犯妖恶,及马、窦家属所被禁锢者,皆复之为平人。减大官、导官、尚方、内者服御珍膳靡丽难成之物,自非供陵庙,稻粱米不得导择,朝夕一肉饭而已。旧太官汤官经用岁且二万万,太后敕止,日杀省珍费,自是裁数千万。及郡国所贡,皆减其过半。悉斥卖上林鹰犬。其蜀、汉器九带佩刀,

并不复调。止画工三十九种。又御府、尚方、织室锦绣、冰纨、金银、珠玉、犀象、玳瑁、雕镂玩弄之物,皆绝不作。离宫别馆储峙米薪炭,悉令省之。又诏诸园贵人,其宫人有宗室同族若羸老不任使者,令园监实核上名,自御北宫增喜观阅问之,恣其去留,即日免遣者五六百人。

及殇帝崩,太后定策立安帝,犹临朝政。以连遭大忧,百姓苦役,殇帝康陵方中秘藏,及诸工作,事事减约,十分居一。

诏告司隶校尉、河南尹、南阳太守曰:「每览前代外戚宾客,假借威权,轻薄至有浊乱奉公,为人患苦。咎在执法怠懈,不辄行其罚故也。今车骑将军骘等虽怀敬顺之志,而宗门广大,姻戚不少,宾客奸猾,多干禁宪。其明加检敕,勿相容护。」自是亲属犯罪,无所假贷。太后愍阴氏之罪废,赦其徙者归乡,敕还资财五百余万。永初元年,爵号太夫人为新野君,万户供汤沐邑。

安思阎皇后讳姬,河南荥阳人也。祖父章,永平中为尚书,以二妹为贵人。章精力晓旧

典,久次,当迁以重职,显宗为后宫亲属,竟不用,出为步兵校尉。章生常成后。

顺烈梁皇后讳呐,大将军商之女,恭怀皇后弟之孙也。后生,有光景之祥。少善女工。好《史书》,九岁能诵《论语》,治《韩诗》,大义略举。常以列女图画置于左右,以自监戒。父商深异之,窃谓诸弟曰:「我先人全济河西,所活者不可胜数。虽大位不究,而积德必报。若庆流子孙者,倘兴此女乎?」

孝崇郾皇后讳明,为蠡吾侯翼媵妾,生桓帝。桓帝即位,明年,追尊翼为孝崇皇,陵曰博陵,以后为博园贵人。和平元年,梁太后崩,乃就博陵尊后为孝崇皇后。遣司徒持节奉策授玺绶,赍乘舆器服,备法物。宫曰永乐。置太仆、少府以下,皆如长乐宫故事。又置虎贲、羽林卫士,起宫室,分巨鹿九县为后汤沐邑。在位三年,元嘉二年崩。以帝弟平原王石为丧主,敛以东园画梓寿器、玉匣、饭含之具,礼仪制度比恭怀皇后。使司徒持节,大长秋奉吊祠,赙钱四千万,布四万匹,中谒者仆射典护丧事,侍御史护大驾卤簿。诏安平王豹、河间王建、勃海王悝,长社、益阳二长公主,与诸国侯三百里内者,及中二千石、二千石、令、长、相,皆会葬。将作大匠复土,缮庙,合葬博陵。桓帝懿献梁皇后讳女莹,顺烈皇后之女弟也。帝初为蠡吾侯,梁太后征,欲与后为婚,未及嘉礼,会质帝崩,因以立帝。明年,有司奏太后曰:「《春秋》迎王后于纪,在涂则称后。今大将军冀女弟,膺绍圣善。结婚之际,有命既集,宜备礼章,时进征币。请下三公、太常案礼仪。」奏可。于是悉依孝惠皇帝纳后故事,聘黄金二万斤,纳采雁、璧、乘马、束帛,一如旧典。建和元年六月始入掖庭,八月立为皇后。

桓帝邓皇后讳猛女,和熹皇后从兄子邓香之女也。母宣,初适香,生后。改嫁梁纪,纪者,大将军梁冀妻孙寿之舅也。后少孤,随母为居,因冒姓梁氏。冀妻见后貌美,永兴中进入掖庭,为采女,绝幸。明年,封兄邓演为南顿侯,位特进。演卒,子康嗣。及懿献后崩,梁冀诛,立后为皇后。帝恶梁氏,改姓为薄,封后母宣为长安君。四年,有司奏后本郎中邓香之女,不宜改易它姓,于是复为邓氏。追封赠香车骑将军安阳侯印绶,更封宣、康大县,宣为昆阳君,康为阳侯,赏赐巨万计。宣卒,赠葬礼,皆依后母旧仪。以康弟统袭封昆阳侯,位侍中;统从兄会袭安阳侯,为虎贲中郎将;又封统弟秉为阳侯。宗族皆列校、郎将。

桓思窈皇后讳妙,章德皇后从祖弟之孙女也。父武。延熹八年,邓皇后废,后以选入掖庭为贵人,其冬,立为皇后,而御见甚稀,帝所宠唯采女田圣等。永康元年冬,帝寝疾,遂以圣等九女皆为贵人。及崩,无嗣,后为皇太后。太后临朝定策,立解犊亭侯宏,是为灵帝

孝仁董皇后讳某,河间人。为解犊亭侯苻夫人,生灵帝。建宁元年,帝即位,追尊苻为孝仁皇,陵曰慎陵,以后为慎园贵人。及窈氏诛,明年,帝使中常侍迎贵人,并征贵人兄宠到京师,上尊号曰孝仁皇后,居南宫嘉德殿,宫称永乐。拜宠执金吾。后坐矫称永乐后属请,下狱死。

灵帝宋皇后讳某,扶风平陵人也,肃宗宋贵人之从曾孙也。建宁三年,选入掖庭为贵人。明年,立为皇后。父酆,执金吾,封不其乡侯。

灵思何皇后讳某,南阳宛人。家本屠者,以选入掖庭。长七尺一寸。生皇子辩,养于史道人家,号曰史侯。拜后为贵人,甚有宠幸。性强忌,后宫莫不震慑

献帝伏皇后讳寿,琅邪东武人,大司徒湛之八世孙也。父完,沉深有大度,袭爵不其侯,尚桓帝女阳安公主,为侍中。

献穆曹皇后讳节,魏公曹操之中女也。建安十八年,操进三女宪、节、华为夫人,聘以束帛玄纁五万匹,小者待年于国。十九年,并拜为贵人。及伏皇后被弑,明年,立节为皇后。魏受禅,遣使求玺绶,后怒不与。如此数辈,后乃呼使者人,亲数让之,以玺抵轩下,因涕泣横流曰:「天不祚尔!」左右皆莫能仰视。后在位七年。魏氏既立,以后为山阳公夫人。自后四十一年,魏景元元年薨,合葬禅陵,车服礼仪皆依汉制。

公主

皇女义王,建武十五年封舞阳长公主,适陵乡侯太仆梁松。松坐诽谤诛。

皇女中礼,十五年封涅阳公主,适显亲侯大鸿胪窦固,肃宗尊为长公主。

皇女红夫,十五年封馆陶公主,适驸马都尉韩光。光坐与淮阳王延谋反诛。

皇女礼刘,十七年封布阳公主,适阳安侯长乐少府郭璜。璜坐与窦宪谋反诛。

皇女绶,二十一年封酃邑公主,适新阳侯世子阴丰。丰害主,诛死。

世祖五女。

皇女姬,永平二年封获嘉长公主,适杨邑侯将作大匠冯柱。

皇女奴,三年封平阳公主,适大鸿胪冯顺。

皇女迎,三年封隆虑公主,适牟平侯耿袭。

皇女次,三年封平氏公主。

皇女致,三年封沁水公主。适高密侯邓乾。

皇女小姬,十二年封平皋公主,适昌安侯侍中邓蕃。

皇女仲,十七年封浚仪公主,适I侯黄门侍郎王度。

皇女惠,十七年封武安公主,适征羌侯世子黄门侍郎来稜,安帝尊为长公主。

皇女臣,建初元年封鲁阳公主。

皇女小迎,元年封乐平公主。

皇女小民,元年封成安公主。

显宗十一女。

皇女男,建初四年封武德长公主。

皇女王,四年封平邑公主,适黄门侍郎冯由。

皇女吉,永元五年封阴安公主。

肃宗三女。

皇女保,延平元年封武长公主。

皇女成,元年封共邑公主。

皇女利,元年封临颖公主,适即墨侯侍中贾建。

皇女兴,元年封闻喜公主。

和帝四女。

皇女生,永和三年封舞阳长公主。

皇女成男,三年封冠军长公主。

皇女广,永和六年封汝阳长公主。

顺帝三女。

皇女华,延熹元年封阳安长公主,适不其侯辅国将军伏完。

皇女坚,七年封颍阴长公主。

皇女,七年封阳翟长公主。

桓帝三女。

皇女某,光和三年封万年公主。

灵帝一女。

三国/魏《后妃传》

武宣卞皇后，琅琊開阳人，文帝母也，本倡家，太祖纳为妾，二十四年，拜为王后，二十五年，太祖崩，文帝继王位，尊后为王太后，文帝建国，尊后为皇太后。太和四年五月，后崩，七月，合葬高陵。

文帝甄皇后，中山无极人，明帝母也，汉太保甄邯后也。父甄逸，后三岁丧父。魏书曰：逸娶常山张氏，生三男五女，后以汉光和五年丁酉生，后相者见到甄后及诸子说到：此女乃贵不可言。建安中袁绍为中子袁熙纳之，熙出幽州，后都城破，绍妻及后共坐皇堂上，文帝入绍舍。文帝随纳熙妻，有宠，甄后侍奉与武宣皇后，后曰：此真孝妇也！二十一年太祖东征，武宣皇后、文帝及明帝，东朗公主皆从。时后以病留邺。延康元年正月，文帝及王位。六月南征，后留邺，黄初元年十月，帝建国，建国之后，山阳公奉二女以嫁于魏，郭后，李贵人并宠幸，后愈失意，有怨言，帝大怒，二年六月，遣使赐死，葬于邺，明帝继位后，尊生母为文昭皇后。

文德郭皇后，安平廣宗人也，祖世长吏。父永，官至南郡太守，母董氏，即堂阳君，生三男二女，长男浮。高唐令，次女翌，次即后，后弟都，弟成。后以汉中平元年三月乙卯生，生而有异常。此乃吾女中王也。随以女王为名。早失二亲，太祖为魏公时得入东宫，常有智谋帮助文帝，文帝建国继位后册封为贵嫔，甄后死后，由后之宠也，黄初三年将登后位。文帝欲立为后，大臣阻止，以谨慎先立为元妃，帝不听，明帝继位后尊为皇太后，甄后之诛，皆由郭后之宠，即令殉太后被发敷面，以糖塞口。郭皇后不认，质问魏明帝，明帝大怒，随逼死郭太后，青龙三年三月壬申，将皇太后葬于首阳西陵，

明悼毛皇后，河内人，黄初年间选入东宫，明帝时为平原王，太和元年立为皇后。景初元年，帝泄愤杀十余人。后遂被赐死。葬 潛陵，

明元郭皇后，西平人，世河右大族。黄初年间，本郡反叛，随即没入后宫。明帝继位，随宠幸，拜为夫人。帝疾困，遂立为皇后，齐王继位，尊为皇太后，景元四年十二月崩，五年二月，葬高平陵西陵。

吴《后妃传》

孙破虞吴夫人，吴主權母也，本吴人，徙钱塘。早失父母，与弟景居。生四男一女，建安七年，臨薨。引见张昭等，合葬高陵，吴后建安十二年薨，

吴主權谢夫人，会稽山阴人。父斐，汉尚书郎，徐令。權母吴为權纳为妃。爱幸有宠，權后纳姑孙徐氏，裕令谢下之，谢不肯。由是失态，早卒。

吴主權徐夫人，吴郡富春人，祖父真。与權父坚相亲，坚以妹妻真，生琨。琨少仕州郡，汉末乱，去吏。随坚征伐有功。拜偏将军，坚薨。權意在步氏，后不许。后疾卒，先夫人卒，无子。

吴主權步夫人，臨淮淮阴人，与丞相鹭同族，汉末。其母攜将徙廬江，廬江为孙策所破，皆东度江，以美丽得幸与權，宠冠后庭。生二女，长女魯斑，字大虎，前配周瑜字循，后配全宗：少曰魯育，字小虎，夫人性不妒忌，權为王及帝，以欲为后，群臣意在徐氏，然宫内皆称皇后，亲戚上疏称中宫。薨，葬蒋陵。

吴主權王夫人，琅琊人，夫人父廬九。夫人选入宫，黄武中得幸，生孙和。宠次步氏，步氏薨后和被立为太子，權将立夫人为后，全公主素憎夫人，權深责怒，以死。和子皓立。尊大懿皇后。

吴主權王夫人，南阳人，选入宫，嘉禾中得幸。生孙休，及和为太子，和母贵重。诸姬有宠者，皆出居外。夫人出公安，卒，孙休继位，追尊为皇后，葬敬陵。

吴主權潘夫人，会稽句章人，父为吏，坐法死？權召入后宫，得幸有娠，生孙亮。赤乌十三年亮立为太子，立夫人为皇后。幸阴妒容媚，自始至卒，權薨，合葬蒋陵，孙亮继位，

孙亮全夫人，全尚女，曾孙琳废亮为会稽王，后又罢为侯官侯，永宁中卒。

孙休殊夫人，殊掳女，休姊公主所生。赤乌末，權为休纳以为妃，休为琅琊王，局丹阳。永安五年立夫人为皇后，休卒。尊夫人为皇太后，孙皓继位月余，贬为景皇后。称安定宫，甘露元年七月薨，合葬定陵，

孙和何姬，丹杨句容人，父遂，以赐子和。生男，權喜，名彭祖，即皓也，太子和

即废，后为南阳王，皓继位，尊和为昭獻皇帝，和姬为昭獻皇后，称升平宫，月余尊为皇太后。

西晋/东晋《皇后传》

宣穆张皇后，讳春华，河内平皋人也。父汪，魏粟邑令。母河内山氏，司徒涛之从祖姑也。后少有德行，智识过人，生景帝、文帝、平原王干、南阳公主。魏正始八年崩，时年五十九岁，葬高原陵，追号宣穆妃，及武帝受禅，追尊为皇后。

景怀夏侯皇后，讳徽，字媛容，沛国譙人也。父尚，魏征南大将军。母曹氏，魏德阳乡主。后雅有识度，帝每有所为，必豫筹画。魏明帝世，宣帝居上将之重，诸子并有雄才大略。后知帝非魏之纯臣，而后既魏氏之甥，帝深忌之。青龙二年，遂以鸩崩，时年二十四，葬峻平陵。武帝登阼，初未追崇，弘训太后每以为言，泰始二年始加号谥。后无男，生五女。

景献羊皇后，讳徽瑜，泰山南城人。父衢，上党太守。后母陈留蔡氏，汉左中郎将邕之女也。后聪敏有才行。景怀皇后崩，景帝更娶镇北将军濮阳吴质女，见黜，复纳后，无子。武帝受禅，居弘训宫，号弘训太后。泰始九年，追赠蔡氏济阳县君，谥曰穆。咸宁四年，太后崩，时年六十五，祔葬峻平陵。

文明王皇后，讳元姬，东海郯人也。父肃，魏中领军、兰陵侯。后年八岁，诵《诗》《论》，尤善丧服。苟有文义，目所一见，必贯于心。年九岁，遇母疾，扶侍不舍左右，衣不解带者久之。每先意候指，动中所适，由是父母令摄家事，每尽其理。祖郎甚爱异之，曰：“兴吾家者，必此女也，惜不为男矣！”年十二，郎薨。后哀戚哭泣，发于自然，其父益加敬异。既笄，归于文帝，生武帝及辽东悼王定国、齐献王攸、城阳哀王兆、广汉殇王广德、京兆公主。四年，后崩，时年五十二，合葬崇阳陵。

武元杨皇后，讳艳，字琼芝，弘农华阴人也。父文宗，见《外戚传》。母天水赵氏，早卒。后依舅家，舅妻仁爱，亲乳养后，遣他人乳其子。及长，又随后母段氏，依其家。后少聪慧，善书，姿质美丽，闲于女工。有善相者尝相后，当极贵，文帝闻而为世子聘焉。甚被宠遇，生毗陵悼王轨、惠帝、秦献王柬，平阳、新丰、阳平公主。武帝即位，立为皇后。。泰始十年，崩于明光殿，绝子帝膝，时年三十七，乃葬于峻阳陵。

武悼杨皇后，讳芷，字季兰，小字男胤，元后从妹。父骏，别有传。以咸宁二年立为皇后。婉嫕有妇德，美映椒房，甚有宠。生渤海殇王，早薨，遂无子。

惠贾皇后，讳南风，平阳人也，小名峕。父充，别有传。初，武帝欲为太子取卫瑾

女，元后纳贾郭亲党之说，欲婚贾氏。。惠帝即位，立为皇后，生河东、临海、始平公主、哀献皇女，伦乃矫诏遣尚书刘弘等持节赉金屑酒赐后死。后在位十一年。

惠羊皇后，讳献容，泰山南城人。祖瑾，父玄之，并见《外戚传》。贾后既废，孙秀议立后。后外祖孙旂与秀合族，又诸子自结于秀，故以太安元年立为皇后。始知天下有丈夫耳。”曜甚爱宠之，生曜二子而死，伪谥献文皇后

怀王皇太后，讳媛姬，不知所出。初入武帝宫，拜中才人，早卒。怀帝即位，追尊曰皇太后。

元夏侯太妃，名光姬，沛国譙人也。祖威，兖州刺史。父庄，字仲容，淮南太守、清明亭侯。妃生自华宗，幼而明慧。琅邪武王为世子觐纳焉，生元帝。及恭王薨，元帝嗣立，称王太妃。永嘉元年，薨于江左，葬琅邪国。

元敬虞皇后，讳孟母，济阳外黄人也。父豫，见《外戚传》。帝为琅邪王，纳后为妃，无子。永嘉六年薨，时年三十五。

豫章君荀氏，元帝宫人也。初有宠，生明帝及琅邪王裒，由是为虞后所忌。自以位卑，每怀怨望，为帝所谴，渐见疏薄。及明帝即位，封建安君，别立第宅。太宁元年，帝迎还台内，供奉隆厚。及成帝立，尊重同于太后。咸康元年薨。

明穆庾皇后，讳文君，颍川鄢陵人也。父琛，见《外戚传》。后性仁慈，美姿仪。元帝闻之，聘为太子妃，以德行见重。明帝即位，立为皇后。京都倾覆，后见逼辱，遂以忧崩，时年三十二。

成恭杜皇后，讳陵阳，京兆人，镇南将军与之曾孙也。父义，见《外戚传》。成帝以后奕世名德，咸康二年备礼拜为皇后，即日入宫。帝御太极前殿，群臣毕贺，昼漏尽，悬籥，百官乃罢。，后少有姿色，然长犹无齿，有来求婚者辄中止。及帝纳采之日，一夜齿尽生。改宣城陵阳县为广阳县。七年三月，后崩，年二十一。外官五日一临，内官旦一入，葬讫止。后在位六年，无子。

章太妃周氏以选入成帝宫，有宠，生哀帝及海西公。始拜为贵人。哀帝即位，诏有司议贵人位号，太尉桓温议宜称夫人，尚书仆射江彪议应曰太夫人，诏崇为皇太妃，仪服与太后同。又诏“朝臣不为太妃敬，合礼典不。”太常江道议“位号不极，不应尽敬”。兴宁元年薨。

康献褚皇后，讳蒜子，河南阳翟人也。父裒，见《外戚传》。后聪明有器识，少以名家入为琅邪王妃。及康帝即位，立为皇后，封母谢氏为寻阳乡君。及穆帝即位，尊后曰皇太后。太元九年，崩于显阳殿，年六十一，在位凡四十年。

穆章何皇后，讳法倪，庐江灊人也。父准，见《外戚传》。以名家膺选。升平元年八月，下玺书曰：“皇帝咨前太尉参军何琦：混元资始，肇经人伦，爰及夫妇，以奉天地宗庙社稷。谋于公卿，咸以直率由旧典。今使使持节太常彪之、宗正综，以礼纳采。”琦答“前太尉参军、都乡侯龚土臣何琦稽首顿首再拜。皇帝嘉命，访婚陋族，备数采择。臣从祖弟故散骑侍郎准之遗女，未闲教训，衣履若如人。钦承旧章，肃奉典制。”又使兼太保、武陵王晞，兼太尉、中领军洽，持节奉册立为皇后。

后无子。哀帝即位，称穆皇后，居永安宫。元兴三年崩，年六十六，在位凡四十八年。

哀靖王皇后，讳穆之，太原晋阳人也。司徒左长史濛之女也。后初为琅邪王妃。哀帝即位，立为皇后，追赠母爰氏为安国乡君。后在位三年，无子。兴宁二年崩。

废帝孝庾皇后，讳道怜，颍川颍陵人也。父冰，自有传。初为东海王妃。及帝即位，立为皇后。太和六年崩，葬于敬平陵。帝废为海西公，追贬后曰海西公夫人。太元十一年，海西公薨于吴，又以后合葬于吴陵。

简文宣郑太后，讳阿春，河南荥阳人也。世为冠族。祖合，临济令。父恺，字祖元，安丰太守。后少孤，无兄弟，唯姊妹四人，后最长。先适渤海田氏，生一男而寡，依于舅濮阳吴氏。元帝为丞相，敬后先崩，将纳吴氏女为夫人。后及吴氏女并游后园，或见之，言于帝曰：“郑氏女虽嫠，贤于吴氏远矣。”建武元年，纳为琅邪王夫人。甚有宠。后虽贵幸，而恆有忧色。帝问其故，对曰：“妾有妹，中者已适长沙王褒，余二妹未有所适，恐姊为人妾，无复求者。”帝因从容谓刘隗曰：“郑氏二妹，卿可为求佳对，使不失旧。”隗举其从子佣娶第三者，以小者适汉中李氏，皆得旧门。帝召王褒为尚书郎，以悦后意。后生琅邪悼王、简文帝、寻阳公主。帝称尊号，后虽为夫人，诏太子及东海、武陵王皆母事之。帝崩，后称建平国夫人。

咸和元年薨，追号后曰会稽太妃。及简文帝即位，未及追尊。临崩，封皇子道子为琅邪王，领会稽国，奉太妃祀。依《阳秋》二汉孝怀皇帝故事，上太妃尊号曰简文太后。

简文顺王皇后，讳简姬，太原晋阳人也。父遐，见《外戚传》。后以冠族，初为会稽王妃，生子道生，为世子。永和四年，母子并失帝意，俱被幽废，后遂以忧薨。咸安二年，孝武帝即位，追尊曰顺皇后，合葬高平陵，

孝武文李太后，讳陵容，本出微贱。始简文帝为会稽王，有三子，俱夭。自道生废黜，献王早世，其后诸姬绝孕将十年。日月入怀，意以为吉祥，向侪类说之，帝闻

而异焉，遂生孝武帝及会稽文孝王、鄱阳长公主。隆安四年，崩于含章殿。

孝武定王皇后，讳法慧，哀靖皇后之侄也。父蕴，见《外戚传》。初，帝将纳后，访于公卿。于时蕴子恭以弱冠见仆射谢安，安深敬重之。既而谓人曰：“昔毛嘉耻于魏朝，杨骏几倾晋室。若帝纳后，有父者，唯廕望如王蕴乃可。”既而访蕴女，容德淑令，乃举以应选。宁康三年，中军将军桓冲等奏曰：“臣闻天地之道，盖相须而化成；帝后之德，必相协而政隆。然后品物流形，彝伦攸叙，灵根长固，本枝百世。天人同致，莫不由此。是以涂山作俚，而夏族以熙；妊媯配周，而姬祚以昌。今长秋将建，宜时简择。伏闻试守晋陵太守王蕴女，天性柔顺，四业允备。且盛德之胄，美善先积。臣等参议，可以配德乾元，恭承宗庙，徽音六宫，母仪天下。”于是帝始纳焉。封蕴妻刘氏为乐平乡君。后性嗜酒骄妒，帝深患之。乃召蕴于东堂，具说后过状，令加训诫。蕴免冠谢焉。后于是少自改饰。太元五年崩，年二十一，葬隆平陵。

安德陈太后，讳归女，松滋浚阳人也。父广，以倡进，仕至平昌太守。后以美色能歌弹，入宫为淑媛，生安、恭二帝。太元十五年薨，赠夫人。追崇曰皇太后，神主祔于宣太后庙，陵曰熙平。

安僖王皇后，讳神爱，琅邪临沂人也。父献之，见别传。母新安愍公主。后以太元二十一年纳为太子妃。及安帝即位，立为皇后。无子。义熙八年崩于徽音殿，时年二十九，葬休平陵。

恭思褚皇后，讳灵媛，河南阳翟人，义兴太守爽之女也。后初为琅邪王妃。元熙元年，立为皇后，生海盐、富阳公主。及帝禅位于宋，降为零陵王妃。宋元嘉十三年崩，时年五十三，祔葬冲平陵。

北朝；北魏、北齐、北周

神元皇后奚氏，没鹿回部大人奚之女也。奚临终，诫其二子速侯、回题，令善事帝。及奚卒，速侯等欲因帝会丧为变，语颇漏泄。帝闻之，知其终不奉顺，乃先图之。于是伏勇士于宫中，晨起以佩刀杀后，驰使告速侯等，言后暴崩。速侯等惊走来赴，因执而杀之。

文帝皇后封氏，生桓、穆二帝，早崩。桓帝立，乃葬焉。高宗初，穿天渊池，获一石铭，称桓帝葬母封氏，远近赴会二十余万人。有司以闻，命藏之太庙。

次妃兰氏，生二子，长子曰蓝，早卒；次子，思帝也。

桓帝皇后祁氏，生三子，长曰普根，次惠帝，次炆帝。平文崩，后摄国事，时人谓之女国。后性猛忌，平文之崩，后所为也。

平文皇后王氏,广宁人也。年十三,因事入宫,得幸于平文,生昭成帝。平文崩,昭成在襁强保。时国有内难,将害诸皇子。后匿帝于裤中,惧人知,咒曰:「若天祚未终者,汝便无声。」遂良久不啼,得免于难。昭成初欲定都于; 垒源川,筑城郭,起宫室,议不决。后闻之,曰:「国自上世,迁徙为业。今事难之后,基业未固。若城郭而居,一旦寇来,难卒迁动。」乃止。烈帝之崩,国祚殆危,兴复大业,后之力也。十八年崩,葬云中金陵。太祖即位,配飨太庙。

昭成皇后慕容氏,元真之女也。初,帝纳元真妹为妃,未几而崩。元真复请继好。遣大人长孙秩逆后,元真送于境上。后至,有宠,生献明帝及秦明王。后性聪敏多知,沉厚善决断,专理内事,每事多从。初,昭成遣卫辰兄悉勿祈还部落也,后戒之曰:「汝还,必深防卫辰。辰奸猾,终当灭汝。」悉勿祈死,其子果为卫辰所杀,卒如后言。建国二十三年崩。太祖即位,配飨太庙。

献明皇后贺氏,父野于,东部大人。后少以容仪选入东宫,生太祖,皇始元年崩,时年四十六,葬于盛乐金陵。后追加尊谥,配飨焉。

道武皇后慕容氏,宝之季女也。中山平,入充掖庭,得幸。左丞相卫王仪等奏请立皇后,帝从群臣议,令后铸金人,成,乃立之,告于郊庙。封后母孟为漂阳君。后崩。

道武宣穆皇后刘氏,刘眷女也。登国初,纳为夫人,生华阴公主,后生太宗。后专理内事,宠待有加,以铸金人不成,故不得登后位。魏故事,后宫产子将为储贰,其母皆赐死。太祖末年,后以旧法薨。太宗即位,追尊谥号,配飨太庙。自此后宫人为帝母,皆正位配飨焉。

明元昭哀皇后姚氏,姚兴女也,兴封西平长公主。太宗以后礼纳之,后为夫人。后以铸金人不成,未升尊位,然帝宠幸之,出入居处,礼秩如后焉。是后犹欲正位,而后谦让不当。泰常五年薨,帝追恨之,赠皇后玺绶,而后加谥焉。葬云中金陵。

明元密皇后杜氏,魏郡人,阳平王超之妹也。初以良家子选入太子宫,有宠,生世祖。及太宗即位,拜贵嫔。泰常五年薨,谥曰密贵嫔,葬云中金陵。世祖即位,追尊号谥,配飨太庙。

太武皇后赫连氏,赫连屈丐女也。世祖平统万,纳后及二妹俱为贵人,后立为皇后。高宗初崩,葬金陵。

太武敬哀皇后贺氏,代人也。初为夫人,生恭宗。神璽年薨,追赠贵嫔,葬云中金陵。后追加号谥,配飨太庙。

景穆恭皇后郁久闾氏,河东王毗妹也。少以选入东宫,有宠。真君元年,生高宗。世祖

末年薨。高宗即位,追尊号谥。葬云中金陵,配飨太庙。

高宗乳母常氏,本辽西人。太延中,以事入宫,世祖选乳高宗。慈和履顺,有劬劳保护之功。高宗即位,尊为保太后,寻为皇太后,谒于郊庙。和平元年崩,诏天下大临三日,谥曰昭,葬于广宁磨笄山,俗谓之鸣鸡山,太后遗志也。依惠太后故事,别立寝庙,置守陵二百家,树碑颂德。

文成文明皇后冯氏,长乐信都人也。父朗,秦、雍二州刺史、西城郡公。母乐浪王氏。后生于长安,有神光之异。朗坐事诛,后遂入宫。世祖左昭仪,后之姑也,雅有母德,抚养教训。年十四,高宗践极,以选为贵人,后立为皇后。

十四年,崩于太和殿,时年四十九。其日,有雄雉集于太华殿。高祖酌饮不入口五日,毁慕过礼。谥曰文明太皇太后,葬于永固陵。

文成元皇后李氏,梁国蒙县人,顿丘王峻之妹也。后之生也,有异于常,父方叔父言此女当大贵。及长,姿质美丽。世祖南征,永昌王仁出寿春,军至后宅,因得后。及仁镇长安,遇事诛,后与其家人送平城宫。高宗登白楼望见,美之,谓左右曰:「此妇人佳乎?」左右咸曰「然」。乃下台,后得幸于斋库中,遂有娠。常太后后问后,后云:「为帝所幸,仍有娠。」时守库者亦私书壁记之,别加验问,皆相符同。及生显祖,拜贵人。太安二年,太后令依故事,令后具条记在南兄弟及引所结宗兄洪之,悉以付托。临诀,每一称兄弟,辄拊胸恸泣,遂薨。后谥曰元皇后,葬金陵,配飨太庙。

献文思皇后李氏,中山安喜人,南郡王惠之女也。姿德婉淑,年十八,以选入东宫。显祖即位,为夫人,生高祖。皇兴三年薨,上下莫不悼惜。葬金陵。承明元年追崇号谥,配飨太庙。

孝文贞皇后林氏,平原人也。叔父金闾,起自阉宦,有宠于常太后,官至尚书、平凉公。金闾兄胜为平凉太守。金闾,显祖初为定州刺史。未几为乙浑所诛,兄弟皆死。胜无子,有二女,入掖庭。后容色美丽,得幸于高祖,生皇子恂。以恂将为储贰,太和七年后依旧制薨。高祖仁恕,不欲袭前事,而禀文明太后意,故不果行。谥曰贞皇后,葬金陵。及恂以罪赐死,有司奏追废后为庶人。

孝文废皇后冯氏,太师熙之女也。太和十七年,高祖既终丧,太尉元丕等表以长秋未建,六宫无主,请正内位。高祖从之,立后为皇后。高祖每遵典礼,后及夫、嫔以下接御皆以次进。车驾南伐,后留京师。高祖又南征,后率六宫迁洛阳。及后父熙、兄诞薨,高祖为书慰以叙哀情。及车驾还洛,恩遇甚厚。高祖后重引后姊昭仪至洛,稍有宠,后礼爱渐衰。昭仪自以年长,且前入宫掖,素见待念,轻后而不率妾礼。后虽性不妒忌,时有愧恨之色。昭仪规为内主,谮构百端。寻废后为庶人。后贞谨有德操,遂为练行尼。后终于瑶光佛寺。

孝文幽皇后,亦冯熙女。母曰常氏,本微贱,得幸于熙,熙元妃公主薨后,遂主家事。生后与北平公夙。文明太皇太后欲家世贵宠,乃简熙二女俱入掖庭,时年十四。其一早卒。后有姿媚,偏见爱幸。未几疾病,文明太后乃遣还家为尼。高祖犹留念焉。岁余而太后崩。高祖服终,颇存访之。又闻后素疹痊除,遣阉官双三念玺书劳问,遂迎赴洛阳。及至,宠爱过初,专寝当夕,宫人稀复进见。拜为左昭仪,后立为皇后。

高祖崩,梓宫达鲁阳,乃行遗诏。北海王详奉宣遗旨,长秋卿白整等入授后药。后走呼不肯引决,曰:「官岂有此也,是诸王辈杀我耳!」整等执持,强之,乃含椒而尽。殡以后礼。梓宫次洛南,谥曰幽皇后,葬长陵茔内

孝文昭皇后高氏,司徒公肇之妹也。父扬,母盖氏,凡四男三女,皆生于东裔。高祖初,乃举室西归,达龙城镇,镇表后德色婉艳,任充宫掖。及至,文明太后亲幸北部曹,见后姿貌,奇之,遂入掖庭,时年十三。

遂生世宗。后生广平王怀,次长乐公主。及冯昭仪宠盛,密有母养世宗之意。后自代如洛阳,暴薨于汲郡之共县,或云昭仪遣人贼后也。世宗之为皇太子,三日一朝幽后,后拊念慈爱有加。高祖出征,世宗入朝,必久留后宫,亲视栉沐,母导隆备。

其后有司奏请加昭仪号,谥曰文昭贵人。后先葬城西长陵东南,陵制卑局。因就起山陵,号终宁陵,

宣武顺皇后于氏,太尉烈弟劭之女也。世宗始亲政事,烈时为领军,总心膂之任,以嫔御未备,因左右讽谕,称后有容德,世宗乃迎入为贵人。时年十四,甚见宠爱,立为皇后,谒于太庙。后静默宽容,性不妒忌,生皇子昌,三岁夭歿。其后暴崩,宫禁事秘,莫能知悉,而世议归咎于高夫人。葬永泰陵,谥曰顺皇后。

宣武皇后高氏,文昭皇后弟偃之女也。世宗纳为贵人,生皇子,早夭,又生建德公主。后拜为皇后,甚见礼重。性妒忌,宫人希得进御。及肃宗即位,上尊号曰皇太后。寻为尼,居瑶光寺,非大节庆,不入宫中。建德公主始五六岁,灵太后置左右,抚爱之。神龟元年,太后出覲母武邑君。时天文有变,灵太后欲以后当祸,是夜暴崩,天下冤之。丧还瑶光佛寺,殡葬皆以尼礼。初,高祖幽后之宠也,欲专其爱,后宫接御,多见阻遏。高祖时言于近臣,称妇人妒防,虽王者亦不能免,况士庶乎?世宗暮年,高后悍忌,夫人嫔御有至帝崩不蒙侍接者。由是在洛二世,二十余年,皇子全育者,惟肃宗而已。

宣武灵皇后胡氏,安定临泾人,司徒国珍女也。母皇甫氏,产后之日,赤光四照。京兆山北县有赵胡者,善于卜相,国珍问之。胡云:「贤女有大贵之表,方为天地母,生天地主。」

及武泰元年,尔朱荣称兵渡河,太后尽召肃宗六宫皆令入道,太后亦自落发。荣遣骑拘送太后及幼主于河阴。太后对荣多所陈说,荣拂衣而起。太后及幼主并沉于河。太后

妹冯翊君收瘞于双灵佛寺。出帝时,始葬以后礼而追加谥。

孝明皇后胡氏,灵太后从兄冀州刺史盛之女。灵太后欲荣重门族,故立为皇后。肃宗颇有酒德,专嬖充华潘氏,后及嫔御并无过宠。太后为肃宗选纳,抑屈人流。时博陵崔孝芬、范阳卢道约、陇西李等女,但为世妇。诸人诉讼,咸见忿责。武泰初,后既入道遂居于瑶光寺。

孝静皇后高氏,齐献武王之第二女也。天平四年,娉以为皇后。王前后固辞,帝不许。兴和初,诏侍中、司徒公孙腾,司空公、襄城王旭,兼尚书令、司州牧、西河王怱,兼太常卿及宗正卿元孝友等奉诏致礼,并备宫官侍卫,以后驾迎于晋阳之丞相第。五月,立为皇后,大赦天下。齐受禅,降为中山王妃。后降于尚书左仆射杨遵彦。

齐武明皇后娄氏,讳昭君,赠司徒内干之女也。少明悟,强族多娉之,并不肯行。及见神武城上执役,惊曰:「此真吾夫也。」乃使婢通意,又数致私财,使以娉己,父母不得已而许焉。神武既有澄清之志,倾产以结英豪,密谋秘策,后a参与。及拜勃海王妃,阉闱之事悉决焉。文襄嗣位,进为太妃。文宣将受魏禅,后固执不许,帝所以中止。天保初,尊为皇太后,宫曰宣训。济南即位,尊为太皇太后。尚书令杨值仁、虢炮辅政,疏忌诸王。太皇太后密与孝昭及诸大将定策诛之,下令废立。孝昭即位,复为皇太后。孝昭崩,太后又下诏立武成帝。大宁二年春,太后寝疾,衣忽自举,用巫媪言,改姓石氏。四月辛丑,崩于北宫,时年六十二。五月甲申,合葬义平陵,

蠕蠕公主者,蠕蠕主郁久闾阿那瑰女也。蠕蠕强盛,与西魏通和,欲连兵东伐。神武病之,令杜弼使蠕蠕,为世子求婚。阿那瑰曰:「高王自娶则可。」神武犹豫,尉景与武明皇后及文襄并劝请,乃从之。武定三年,使慕容俨往娉之,号曰蠕蠕公主。八月,神武迎于下馆,阿那瑰使其弟秃突佳来送女,且报聘,仍戒曰:「待见外孙,然后返国。」公主性严毅,一生不肯华言。神武尝有病,不得往公主所,秃突佳怨恚,神武自射堂舆疾就公主。其见将护如此。神武崩,文襄从蠕蠕国法,蒸公主,产一女焉。

彭城太妃尔朱氏,荣之女,魏孝庄后也。神武纳为别室,敬重逾于娄妃,见必束带,自称下官。神武迎蠕蠕公主还,尔朱氏迎于木井北,与蠕蠕公主前后别行,不相见。公主引角弓仰射翔鸢,应弦而落;妃引长弓斜射飞鸟,亦一发而中。神武喜曰:「我此二妇,并堪击贼。」后为尼,神武为起佛寺。天保初,为太妃。及文宣狂酒,将无礼于太妃,太妃不从,遂遇祸。

小尔朱者,兆之女也。初为建明皇后。神武纳之,生任城王。未几,与赵郡公琛私通,徙于灵州。后适范阳卢景璋。

上党太妃韩氏,轨之妹也。神武微时欲娉之,轨母不许。及神武贵,韩氏夫已死,乃纳之

。

冯翊太妃郑氏,名大车,严祖妹也。初为魏广平王妃。迁后,神武纳之,宠冠后庭,生冯翊王润。

高阳太妃游氏,父京之,为相州长史。神武克,欲纳之;京之不许,遂牵曳取之。京之寻死。游氏于诸太妃中最有德训,诸王、公主婚嫁,常令主之。

冯娘者,子昂妹也,初为魏任城王妃,适尔世隆。神武纳之,生浮阳公主。李娘者,延实从妹也。初为魏城阳王妃。又王娘生永安王浚,穆娘生平阳王淹。并早卒,不为太妃。

文襄敬皇后元氏,魏孝静帝之姊也。孝武帝时,封冯翊公主,而归于文襄。容德兼美,曲尽和敬。初生河间王孝琬,时文襄为世子,三日而孝静幸世子第,赠锦彩及布帛万匹。世子辞,求通受诸贵礼遗,于是十屋皆满。次生两公主。文宣受禅,尊为文襄皇后,居静德宫。及天保六年,文宣渐致昏狂,乃移居于高阳之宅而取其府库,曰:「吾兄昔奸我妇,我今须报。」乃淫于后。其高氏女妇,无亲疏皆使左右乱交之于前。以葛为屐,令魏安德主骑上,使人推引之。又命胡人苦辱之。帝又自呈露,以示群下。武平中,后崩,葬义平陵。

文宣皇后李氏,讳祖娥,赵郡李希宗女也。容德甚美。初为太其原公夫人。及帝将建中宫。高隆之、高德正言汉妇人不可为天下母,宜更择美配。杨止糖、瓜、篮、骸(10)汗适,拢不改元妃。而德正犹固请废后而立段昭仪,欲以结勋贵之援。帝竟不从而立后焉。帝好捶搥嫔御,乃至有杀戮者,唯后独家礼敬。天保十年,改为可贺敦皇后。孝昭即位,降居昭信宫,号昭信皇后。武成践阼,逼后淫乱云:「若不许我,当杀尔骸!」购击澹从之。后有娠,太原王绍德至阁,不得见。愠曰:「浩癡恢邪?姊姊腹大,故不见骸!」购笮胖大,由是生女不举。帝横刀诟曰:「尔杀我女,我何不杀尔!海俊苟院笮爸杀绍德。后大哭,帝愈怒,裸后乱搥搥之,号天不已。盛以绢囊,流血淋漓,投诸渠水,良久乃苏,犍车载送妙胜尼寺。后性爱佛法,因此为尼。齐亡,入关,隋时得还赵郡。

段昭仪,韶妹也。婚夕,韶妻元氏为俗弄女婿法戏文宣,文宣衔之。后因发怒,谓韶曰:「我会杀尔妇!」元氏惧,匿娄太后家,终文宣世不敢出。昭仪才色兼美,礼遇殆同正嫡。后主时,改适录尚书唐邕。

王嫔者,琅邪人也。嫔姊先适崔修,文宣并幸之。数数降其夫家,超用修为尚书郎。

薛嫔者,本倡家女也。年十四五时,为清河王岳所好。其父求内宫中,大被嬖宠。其姊亦俱进御。文宣后知先与岳通,又为其父乞司徒公。帝大怒,先锯杀其姊。薛嫔当时有娠,过产亦从戮。

孝昭皇后元氏,开府元蛮女也。初为常山王妃,天保末,赐姓步六孤。孝昭即位,立为皇

后。帝崩,从梓宫之。始度汾桥,武成闻后有奇药,追索之不得,使阉人就车顿辱。降居顺成宫。武成既杀乐陵王,元被隔,不得与家相知。宫闱内忽有飞语,帝令检推,得后父兄书信,元蛮由是坐免官。后以齐亡,入周氏宫中。隋文帝作相,放还山东。

武成皇后胡氏,安定胡延之女。其母范阳卢道约女。初怀孕,有胡僧诣门曰:「此宅瓠芦中有月。」既而生后。天保初,选为长广王妃。产后主日,有[^]鸣于产帐上。武成崩,尊为皇太后。齐亡,入周,恣行奸秽。开皇中殂。

弘德夫人李氏,赵郡李叔让女也。初为魏静帝嫔,武成纳焉。生南阳王仁盛,为太妃。姊为南安王思妃,坐夫反,以烧死。太妃闻之,发狂而薨。

文宣王嫔及中人卢勒叉妹,武成并以为嫔。武成崩后,胡后令二嫔自杀。二嫔悲哭,後主为之恻怆。私遗衣物,令出外避焉。卢养淮南王,后为太妃。

又有马嫔,亦得幸,为后所妒,自缢死。

彭荣、任祥并有女,因坐父兄事,皆入宫,为文宣所幸。武成以彭为夫人,养齐安王,任生丹杨王,并为太妃。

後主皇后斛律氏,左丞相光之女也。初为皇太子妃,後主受禅,立为皇后。武平三年正月,生女。帝欲悦光,诈称生男,为之大赦。光诛,后废在别宫,后令为尼。齐灭,嫁为开府元仁妻。

後主皇后胡氏,陇东王长仁女也。胡太后失母仪之道,深以为愧,欲求悦后主,故饰后于宫中。令帝见之。帝果悦,立为弘德夫人,进左昭仪,大被宠爱。斛律后废,陆媪欲以穆夫人代之,太后不许。祖孝征请立胡昭仪,遂登为皇后。陆媪既非劝立,又意在穆夫人,其后于太后前作色而言曰:「何物亲侄女,作如此语言!」太后问有何言。曰:「不可道。」固问之,乃曰:「语大家云,太后行多非法,不可以训。」太后大怒,唤后出,立剃其发,送令还家。帝思之,每致诗以通意。后与斛律废后俱召入内。数日而不守,后亦改嫁云,

後主皇后穆氏,名邪利,本斛律后从婢也。母名轻霄,本穆子伦婢也,转入侍中宋钦道家,奸私而生后,莫知氏族,或云后即钦道女子也。小字黄花,后字舍利。钦道妒,轻霄面黥为宋字。钦道伏诛,黄花因此故宫。有幸于后主,宫内称为「舍利大监」。女侍中陆太姬知其宠,养以为女,荐为弘德夫人。武平元年六月,生皇子。于时后主未有储嗣,陆阴结待,以臣抚之任不可无主。

冯淑妃名小怜,大穆后从婢也。穆后爱衰,以五月五日进之,号曰「续命」。慧黠能弹琵琶,工歌舞。

及帝遇害,以淑妃赐代王达,甚嬖之。淑妃弹琵琶,因弦断,作诗曰:「虽蒙今日宠,犹忆昔时怜。欲知心断绝,应看胶上弦。」达妃为淑妃所谮,几致于死。隋文帝将赐达妃兄李询,令著布裙配舂。询母逼令自杀。

后主以李祖钦女为左昭仪,进为左娥英。裴氏为右娥英。娥英者,兼取舜妃娥皇、女英名,阳休之所制。

乐人曹僧奴进二女,大者忤旨,剥面皮;少者弹琵琶,为昭仪。以僧奴为日南王。僧奴死后,又贵其兄弟妙达等二人,同日皆为郡王。为昭仪别起隆基堂,极为绮丽。陆媪诬以左道,遂杀之。

又有董昭仪、毛夫人、彭夫人、王夫人、小王夫人、二李夫人,皆嬖宠之。

周文皇后元氏,魏孝武之妹也。初封平原公主,适开府张欢。欢性贪残,遇后无礼。帝杀欢,改封后为冯翊公主,以配周文帝。生孝闵帝。魏大统十七年,薨。恭帝三年十二月,合葬成陵。孝闵践阼,追尊为王后。武成初,又追尊为皇后。

文宣皇后叱奴氏,代人也。周文帝为丞相,纳为姬,生武帝。天和二年六月,尊为皇太后。建德三年三月,崩。五月,葬永固陵。

孝闵皇后元氏,名胡摩,魏文帝第五女也。初封晋安公主。帝之为略阳公也,尚焉。及践阼,立为王后;帝被废,后出俗为尼。建德初,武帝诛晋公护,上帝尊号,以后为孝闵皇后,居崇义宫。隋革命,后出居里第。大业十二年,殂。

明敬皇后独孤氏,太保、卫公信之长女也。帝之在位,纳为夫人。二年正月,立为王后。四月,崩,葬昭陵。武成初,追崇为皇后。明帝崩,与后合葬焉。

武成皇后阿史那氏,突厥木杆可汗俟斤之女也。突厥灭蠕蠕后,尽有塞表之地,志陵中夏。周文方与齐人争衡。结以为援。俟斤初欲以女配帝,既而悔之。武帝即位,前后累遣使焉。保定五年二月,诏陈公纯、许公于文贵、神武公窦毅、南安公杨荐等,备皇后文物及行殿,并六宫以下一百二十人,至俟斤牙所迎后。俟斤又许齐婚,将有异志,纯等累请,不得反命。会雷风大起,飘坏其穹庐,俟斤大惧,以为天谴,乃礼送后,纯等奉之以归。天和三年三月至,武帝接以亲迎之礼。后有姿貌,善容止,帝深敬礼焉。宣帝即位,尊后为皇太后。大象元年二月,改为天元皇太后。二年二月,又尊曰天元上皇太后。宣帝崩,静帝尊为太皇太后。隋开皇二年,殂,年三十二。隋文诏有司备礼,葬后于孝陵。

武皇后李氏,名娥姿,楚人也。于谨平江陵,后家被籍没。至长安,周文以后赐武帝。后得亲幸,生宣帝。宣政元年七月,尊为帝太后。大象元年二月,改为天元帝太后。七月,

又尊为天皇太后。二年二月,尊为天元圣皇太后。宣帝崩,静帝尊为大帝太后。隋开皇元年三月,出俗为尼,改名常悲。八年,殂,以尼礼葬于京城南。

宣皇后杨氏名丽华,隋文帝之长女也。帝在东宫,武帝为帝纳后为皇太子妃。宣政元年闰六月,并为皇后。帝后自称天元皇帝,号后为天元皇后。寻又立天皇后及左右皇后,与为四皇后。后知隋文有异图,意颇不平。及行禅代,愤惋愈甚。隋文内甚愧之。开皇初,封后为乐平公主。后又议夺其志,后誓不许,乃止。大业五年,从炀帝幸张掖,殂于河西。诏还京,所司备礼,葬后于定陵。

宣帝后朱氏,名满月,吴人也。其家坐事,没入东宫。宣帝之为太子,后被选掌衣服,帝召幸之,遂生静帝。大象元年四月,立为天元帝后。七月,改为天皇后。二年二月,又改为天大皇后。后本非良家子,又年长于帝十余岁,疏贱无宠。以静帝故,特尊崇之,班亚杨皇后焉。宣帝崩,静帝尊后为帝太后。隋开皇元年二月,出俗为尼,改名法静。六年,殂,以尼礼葬于京城西。

宣帝后陈氏,名月仪,白云颍川人,大将军山提之第八女也。大象元年六月,以选入宫,拜为德妃。月余日,立为天左皇后。二年二月,改为天左大皇后。三月,又诏以坤仪比德,土数惟五,四大皇后外,增置天中大皇后一人。于是以后为天中大皇后。帝崩,后出俗为尼,改名华光。后永徽初终。

宣帝皇后元氏,名乐尚,河南洛阳人,开府晟之第二女也。年十五,被选入宫,拜贵妃。大象元年七月,立为天右皇后。二年二月,改为天右大皇后。帝崩,后出家为尼,改名华胜。初,后与陈皇后同时被选入宫,俱拜为妃;及升后,又同日受册。帝宠遇二后,礼数均等,年齿复同,特相亲爱。及为尼后,李、朱后及尉迟后并相继殒歿,而二后贞观中尚存。

宣帝皇后尉迟氏名繁炽,蜀公迥之孙女也。有美色。初适杞公亮子西阳公温,以宗妇例入朝,帝逼幸之。及亮谋逆,帝诛温,追后入宫,拜长贵妃。大象二年三月,立为天左大皇后。帝崩,后出俗为尼,改名华道。隋开皇十五年,殂。

静帝司马皇后名令姬,柱国、荥阳公消难之女也。大象元年二月,宣帝传位于帝,七月为帝纳后为皇后。二年九月,隋文帝以后父奔陈,废后为庶人。后嫁为隋司州刺史李丹妻,贞观初犹存。

隋：《后妃传》

隋文献皇后独孤氏,讳伽罗,河南洛阳人,周大司马、卫公信之女也。信见文帝有奇表,故以后妻焉。时年十四。帝与后相得,誓无异生之子。后姊为周明帝后,长女为周宣帝后;贵戚之盛,莫与为比,而后每谦卑自守。及周宣帝崩,隋文居禁中,总百揆。后使李圆通谓文帝曰:「骑兽之势,必不得下,勉之!」及帝受禅,立为皇后。异母弟陀以猫鬼

巫蛊咒诅于后,坐当死。后三日不食,为之请命曰:「陀若蠹政害民者,不敢言。今坐为妾身,请其命。」陀于是减死一等。

后雅好读书,识达今古,凡言事皆与上意合,宫中称为二圣。

仁寿二年八月甲子,日晕四重。己巳。太白犯轩辕。其夜,后崩于永安宫,时年五十九,葬于太陵。

宣华夫人陈氏,陈宣帝女也。性聪慧,姿貌无双。及陈灭,配掖庭,后选入宫为嫔。时独孤皇后性妒,后宫罕得进御,唯陈氏有宠。炀帝之在也,阴有夺宗之计,规为内助,每致礼焉。进金蛇、金驼等物,以取媚于陈氏。炀帝即位,出居仙都宫。寻召入,岁余而终,时年二十九。

容华夫人蔡氏,丹阳人也。陈灭。以选入宫,为世妇。容仪婉娆,帝甚悦之。以文献后故,希得进幸。後崩后,渐见宠遇,拜为贵人,参断宫掖,亚于陈氏。帝寝疾,加号容华夫人。帝崩後,亦为炀帝所蒸。

炀帝愍皇后萧氏,梁明帝岿之女也。江南风俗,二月生子者不举。后以二月生,由是季父岿收养之。未岁,岿夫妻俱死,转养舅张轲家。轲甚贫窶,后躬亲劳苦。炀帝为晋王,文帝为选妃于梁,卜诸女皆不吉。岿乃迎后于舅氏,令使者占之,曰:「吉。」遂册为妃

。。

大唐贞观四年,破突厥,皆以礼致之。归于京师,赐宅于兴道里。二十一年,殂。诏以皇后礼于扬州合葬于炀帝陵,谥曰愍。

南朝：宋

孝穆赵皇后,讳安宗,下邳僮人也。祖彪,字世范,治书侍御史。父裔,字彦胄,平原太守。后以晋穆帝升平四年嫔孝皇,晋哀帝兴宁元年四月二日生高祖。其日,后以产疾殂于丹徒官舍,时年二十一。葬晋陵丹徒县东乡练璧里雩山。宋初追崇号谥,陵曰兴宁

。

孝懿萧皇后,讳文寿,兰陵兰陵人也。祖亮,字保祚,侍御史。父卓,字子略,洮阳令。孝穆后殂,孝皇帝娉后为继室,生长沙景王道怜、临川烈武王道规。义熙七年,拜豫章公太夫人。高祖为宋王,又加太妃之号。

少帝即位,加崇曰太皇太后。景平元年,崩于显阳殿,时年八十一。遗令曰:「孝皇背世五十余年,古不移葬。且汉世帝后陵皆异处,今可于茔域之内,别为一圻。孝皇陵坟本

用素门之礼,与王者制度奢俭不同,妇人礼有所从,可一遵往式。」乃开别圻,与兴宁陵合坟。

武敬臧皇后,讳爱亲,东莞人也。祖汪,字山甫,尚书郎。父俊,字宣伟,郡功曹。后适高祖,生会稽宣长公主兴弟。高祖以俭正率下,后恭谨不违。及高祖兴复晋室,居上相之重,而后器服粗素,不为亲属请谒。义熙四年正月甲午,殁于东城,时年四十八。追赠豫章公夫人,还葬丹徒。高祖临崩,遗诏留葬京师,于是备法驾,迎梓宫葬初宁陵。

武帝张夫人,讳闾,不知何郡县人。义熙初,得幸高祖,生少帝,又生义兴恭长公主惠媛。永初元年,拜为夫人。少帝即位,有司奏曰:「臣闻严亲敬始,所因者本,充孝之道,由中被外。伏惟夫人德并坤元,徽音光劭,发祥兆庆,诞启圣明。宜崇极徽号,允备盛则。从《春秋》母以子贵之义,遵汉、晋推爱之典,谨上尊号为皇太后,宫曰永乐。」少帝既废,太后还玺绶,随居吴县。太祖元嘉元年,拜营阳王太妃。三年,薨。

少帝司马皇后,讳茂英,河内温人,晋恭帝女也。初封海盐公主,少帝以公子尚焉。宋初,拜皇太子妃。少帝即位,立为皇后。元嘉元年,降为营阳王妃,又为南丰王太妃。十六年薨,时年四十七。

武帝胡婕妤,讳道安,淮南人。义熙初,为高祖所纳,生文帝。五年,被谴赐死,时年四十二。葬丹徒。高祖践阼,追赠婕妤。太祖即位,有司奏曰:「臣闻德厚者礼尊,庆深者位极。故思宫既构,咏歌先妣;园陵崇卫,聿追来孝。伏惟先婕妤柔明塞渊,光备六列,德昭坤范,训洽母仪。用能启祚圣明,奄宅四海。严亲莫逮,天禄永违。臣等远准《春秋》,近稽汉、晋。谨上尊号曰章皇太后,陵曰熙宁。」立庙于京师。

文帝袁皇后,讳齐妣,陈郡阳夏人,左光禄大夫敬公湛之庶女也。母本卑贱,后年五六岁,方见举。后适太祖,初拜宜都王妃。生子劭、东阳献公主英娥。上待后恩礼甚笃,袁氏贫薄,后每就上求钱帛以贍与之;上性节俭,所得不过三五万、三五十匹。后潘淑妃有宠,爱倾后宫,咸言所求无不得。后闻之,欲知信否,乃因潘求三十万钱与家,以观上意,信宿便得。因此恚恨甚深,称疾不复见上。上每入,必他处回避。上数掩伺之,不能得。始兴王浚诸庶子问讯,后未尝视也。后遂愤恚成疾。元嘉十七年,疾笃,上执手流涕问所欲言,后视上良久,乃引被覆面。崩于显阳殿,时年三十六岁。有司奏谥宣皇后,上特诏曰「元」。

文帝路淑媛,讳惠男,丹阳建康人也。以色貌选入后宫,生孝武帝,拜为淑媛。年既长,无宠,常随世祖出蕃。世祖入讨元凶,淑媛留寻阳。上即位,遣建平王宏奉迎。有司奏曰:「臣闻历集周邦,徽音克嗣,气淳汉国,沙麓发祥。昔在上代,业隆祚远,未有不敷阴教以阐洪基,膺淑庆以载圣哲者也。伏惟淑媛柔明内昭,徽仪外范,合灵初迪,则庶姬仰耀;引训蕃闾,则家邦被德。民应惟和,神属惟祉,故能诞钟睿躬,用集大命,固灵根于既殒,融盛烈乎中兴。载厚化深,声咏允缉,宜式谐旧典,恭享极号。谨奉尊号曰皇太后,宫曰崇

宪。」太后居显阳殿。

大明五年,太后随上巡南豫州,妃主以下并从。废帝即位,号太皇太后。

太宗践阼,号崇宪太后。初,太宗少失所生,为太后所摄养,太宗尽心祇事,而太后抚爱亦笃。及上即位,供奉礼仪,不异旧日。有司奏曰:「夫德敷于内,典章必远;化覃于外,徽号宜宣。伏惟皇太后懿圣自天,母仪允著,义明八远,道变九围。圣明登御,景祚攸改,皇太后宜即前号,别居外宫。」诏曰:「朕备丁艰罚,蚤婴孤苦,特蒙崇宪太后圣训抚育。昔在蕃阨,常奉药膳,中迫凶威,抱怀莫遂。今泰运初启,情典获申,方欲亲奉晨昏,尽欢闺禁。不得如所奏。」寻崩,时年五十五。迁殡东宫,门题曰宗宪宫。上又诏曰:「朕幼集荼蓼,夙凭德训,龛定业,实资仁范,恩著屯夷,有兼常慕。夫礼沿情施,义循事立,可特齐衰三月,以申追仰之心。」谥曰昭皇太后,葬世祖陵东南,号曰修宁陵。

孝武文穆王皇后,讳宪,琅邪临沂人。元嘉二十年,拜武陵王妃。生废帝、豫章王子尚、山阴公主楚玉、临淮康哀公主楚佩、皇女楚兰、康乐公主修明。世祖在蕃,后甚有宠。上入伐凶逆,后留寻阳,与太后同还京都,立为皇后。

大明四年,后率六宫躬桑于西郊,皇太后观礼。上下诏曰:「朕卜祥大昕,测辰拂羽,爰诏六宫,亲蚕川室。皇太后降銮从御,伫蹕观礼。绿遽既具,玄方修,庶仪发椒,闱化动中。县妃主以下,可量加班锡。」废帝即位,尊曰皇太后,宫曰永训。其年,崩于含章殿,时年三十八。移葬景宁陵。

前废帝何皇后,讳令婉,庐江人也。孝建三年,纳为皇太子妃。大明五年,薨于东宫徽光殿,时年十七。葬口口,谥曰献妃。上更为太子置内职二等,曰保林,曰良娣。纳南中郎长史太山羊瞻女为良娣,宜都太守袁僧惠女为保林。废帝即位,追崇献妃曰献皇后。太宗践阼,迁后与废帝合葬龙山北。

文帝沈婕妤,讳容姬,不知何许人也。纳于后宫,为美人。生明帝,拜为婕妤。元嘉三十年卒,时四十。葬建康之莫府山。世祖即位,追赠湘东国太妃。太宗即位,有司奏曰:「昔幽都追远,正邑缠哀,緬慕德义,敬奉园陵。先太妃德履端华,徽景明峻,风光宸掖,训流国闱,鞠圣诞灵,蚤捐鸿祚。臣等远模汉册,近仪晋典,谨上尊号为皇太后。」下礼官议谥,谥曰宣太后,陵号曰崇宁。

明恭王皇后,讳贞风,琅邪临沂人也。元嘉二十五年,拜淮阳王妃;太宗改封,又为湘东王妃。生晋陵长公主伯姁、建安长公主伯媛。太宗即位,立为皇后。上常宫内大集,而人妇人观之,以为欢笑。后以扇障面,独无所言。

建元元年,薨于第,时年四十四。追加号谥,葬以宋后礼。父僧朗,事别见《景文传》。

明帝陈贵妃,讳妙登,丹阳建康人,屠家女也。世祖常使尉司采访民间子女有姿色者。太妃家在建康县界,家贫,有草屋两三间。生废帝,故民中皆呼废帝为李氏子。废帝后每自称李将军,或自谓李统

太宗即位,拜贵妃,礼秩同皇太子妃。改诸国太妃曰太妃,妃音怡。宫曰弘化。」追赠太妃父金宝散骑常侍,金宝妻王氏永世县成乐乡君。升明初,降为苍梧王太妃。

后废帝江皇后,讳简,济阳考城人,北中郎长史智渊孙女。泰始五年,太宗访求太子妃,而雅信小数,名家女多不合。后弱小,门无强,以卜筮最吉,故为太子纳之。讽朝士州郡令献物,多者将直百金。始兴太守孙奉伯止献琴书,其外无余物。上大怒,封药赐死,既而原之。太子即帝位,立为皇后。帝既废,降为苍梧王妃。智渊自有传。

明帝陈昭华,讳法容,丹阳建康人也。太宗晚年,痿疾不能内御,诸弟姬人有怀孕者,辄取以入宫;及生男,皆杀其母,而以与六宫所爱者养之。顺帝,桂阳王休范子也,以昭华为母焉。明帝崩,昭华拜安成王太妃。顺帝即位,进为皇太妃。顺帝禅位,去皇太妃之号。

顺帝谢皇后,讳梵境,陈郡阳夏人,右光禄大夫庄孙女也。升明二年,立为皇后。顺帝禅位,降为汝阴王妃。庄自有传。

南齐

宣孝陈皇后讳道止,临淮东阳人,魏司徒陈矫后。父肇之,郡孝廉。后少家贫,勤织作。家人矜其劳,或止之,后终不改。嫁于宣帝,庶生衡阳元王道度、始安贞王道生,后生太祖。太祖年二岁,乳人乏乳,后梦人以两瓯麻粥与之,觉而乳大出,异而说之。宣帝从任在外,后常留家治事教子孙。有相者谓后曰“夫人有贵子而不见也”后叹曰“我三儿谁当应之”呼太祖小字曰“正应是汝耳”宣帝殂后,后亲自执勤,婢使有过误,恕不问也。太祖虽从官,而家业本贫,为建康令时,高宗等冬月犹无缣纩,而奉膳甚厚。后每撤去兼肉,曰“于我过足矣”殂于县舍,年七十三。昇明三年,追赠竟陵公国太夫人,蜜印,画青绶,祠以太牢。建元元年,追尊孝皇后。

高昭刘皇后讳智容,广陵人也。祖玄之,父寿之,并员外郎。后母桓氏梦吞玉胜生后,时有紫光满室,以告寿之,寿之曰“恨非是男”桓曰“虽女,亦足兴家矣”后每寝卧,家人常见上如有云气焉。年十馀岁,归太祖,严正有礼法,家庭肃然。宋泰豫元年殂,年五十。归葬宣帝墓侧,今泰安陵也。门生王清与墓工始下锄,有白兔跳起,寻之不得,及坟成,兔还栖其上。昇明二年,赠竟陵公国夫人。三年,赠齐国妃。印绶如太妃。建元元年,尊谥昭皇后。

武穆裴皇后讳惠昭,河东闻喜人也。祖朴之,给事中。父玠之,左军参军。后少与

豫章王妃庾氏为娣姒，庾氏勤女工，奉事太祖、昭后恭谨不倦，后不能及，故不为舅姑所重，世祖家好亦薄焉。性刚严，竟陵王子良妃袁氏布衣时有过，后加训罚。昇明三年，为齐世子妃。建元元年，为皇太子妃。三年，后薨。谥穆妃，葬休安陵。世祖即位，追尊皇后。

文安王皇后讳宝明，琅邪临沂人也。祖韶之，吴兴太守，父晔之，太宰祭酒。宋世，太祖为文惠太子纳后，桂阳贼至，太祖在新亭，传言已没，宅复为人所抄掠，文惠太子、竟陵王子良奉穆后、庾妃及后挺身送后兄曷之家，事平乃出。建元元年，为南郡王妃。四年，为皇太子妃，无宠。太子为宫人制新丽衣裳及首饰，而后床帷陈设故旧，钗镊十馀枚。永明十一年，为皇太孙太妃。郁林即位，尊为皇太后，称宣德宫。赠后父金紫光禄大夫，母桓氏丰安县君。其年十二月，备法驾谒太庙，高宗即位，出居鄱阳王故第，为宣德宫。永元三年，梁王定京邑，迎后入宫称制，至禅位。天监十一年，薨，年五十八。葬崇安陵。谥曰安后。

郁林王何妃名婧英，庐江灊人，抚军将军戡之女也。永明二年，纳为南郡王妃。十一年，为皇太孙妃。郁林王即位，为皇后。嫡母刘氏为高昌县都乡君，所生母宋氏，为余杭广昌乡君。将拜，镜在床无故堕地。其冬，与太后同日谒太庙。后稟性淫乱，为妃时，便与外人奸通。在后宫，复通帝左右杨珉之，与同寝处如伉俪。珉之又与帝相爱褻，故帝恣之。迎后亲戚入宫，赏赐人百数十万。以世祖耀灵殿处后家属。帝被废，后贬为王妃。

海陵王王妃，名韶明，琅邪临沂人，太常慈女也。永明八年，纳为临汝公夫人。郁林即位，为新安王妃。延兴元年，为皇后。其年，降为海陵王妃。

明敬刘皇后讳惠端，彭城人，光禄大夫道弘孙也。太祖为高宗纳之。建元三年，除西昌侯夫人。永明七年，卒，葬江乘县张山。延兴元年，赠宣城王妃。高宗即位，追尊为敬皇后。赠父通直郎景猷金紫光禄大夫，母王氏平阳乡君。永泰元年，高宗崩，改葬，祔于兴安陵。

东昏褚皇后名令璩，河南阳翟人，太常澄女也。建武二年，纳为皇太子妃。明年，谒敬后庙。东昏即位，为皇后。帝宠潘妃，后不被遇。黄淑仪生太子诵，东昏废，并为庶人。

和帝王皇后名蕤华，琅邪临沂人，太尉俭孙也。初为随王妃。中兴元年，为皇后。帝禅位，后降为妃。

南梁

太祖献皇后张氏，讳尚柔，范阳方城人，祖次惠，宋濮阳太守。后母萧氏，即文帝

从姑，后，宋元嘉中嫔于文帝。生长沙宣武王懿，永阳昭王敷，次生高祖。次生恒阳宣王畅，义兴昭长公主令。宋泰始七年，卒于秣陵县同夏里舍。葬武进县东城里山，天监元年五月甲辰，追尊号为皇后，谥号“献”

高祖德皇后郗氏，讳微，高平金乡人，祖绍。国子祭酒，领东海王师，父晔，太子舍人，早卒。生永兴公主玉姚、永世公主玉婉，永康公主玉嬛，

建武五年，高祖为雍州刺史，先之镇，后乃迎后，至州未几，永元元年八月卒于襄阳官舍，时年三十二岁，其年归葬于南徐州南东海武进县东城里山，中兴二年。齐国进高祖位相国，封十郡，梁公。诏赠后为梁公妃，高祖建国追尊为皇后，谥号德皇后，陵曰修陵。

太宗简皇后王氏，讳灵宾，琅琊临沂人。祖俭，太尉，南昌文宪公。后明德，天监十一年，拜晋安王妃，生哀太子大器。南郡王大连，长山公主妙纭，中大通三年十月，拜皇太子妃。太清三年三月，薨于永福省，时年四十五岁，太宗继位。追尊为皇后，谥号简，大宝元年九月，葬庄陵。

高祖丁贵嫔，讳令光，焦国人，世居襄阳，贵嫔生于樊城。相者云此女当大贵，贵嫔时年十四，高祖纳之。高祖起义时生太子，天监元年五月，有司奏为贵人，未拜，其年八月又为贵嫔，位在三夫人上，居于显阳殿，及太子定位，贵嫔性仁恕。不好服饰，普通七年十一月庚辰薨，殡于东宫临云殿。年四十二岁，谥号穆，太宗继位追尊为穆太后。

高祖阮修容，讳令羸，本姓石，会稽余姚人。齐始安王遥光纳焉。遥光败，入东昏宫，健康城平，高祖纳为采女，天监七年八月生世祖，拜为修容。大同六年七月，薨于江州内寝，时年六十七岁，其年十一月，归葬江宁县通望山，谥号宣，世祖继位，追尊为文宣太后。

世祖徐妃，讳昭佩，东海郟人。祖孝嗣，太尉，枝江文忠公，父焜，侍中，天监十六年十二月，拜湘东王妃，生世子方等、益昌公主含贞。太清三年五月，被遣死，葬江陵瓦官寺。

南陈

高祖宣皇后章氏，讳要儿，吴兴乌程人，本姓钮，父景明为章氏所养，改之。景明，梁代官至散骑侍郎，后母苏，三年有微，及其后生，紫光照室，因失归所在。少聪慧，美容仪，侯景之乱，高祖下至豫章，后为景所囚。景平，而高祖为长城县公，后拜为夫人，高祖建国后，永定元年立为皇后。高祖崩，后与中书舍人蔡景历定计，密不发丧，召世祖，世祖继位，尊为皇太后，废帝继位尊为太皇太后，光大二

年，后下令黜废帝为临海王，命高宗嗣位，太建二年尊为皇太后，二年三月丙申，崩于紫极殿，时年六十五岁。遗令所须，并从节俭，其年四月，上谥号宣太后，葬万安陵。

世祖沈皇后，讳妙容，吴兴武康人，父法深，梁安前中录参军，后年十余岁，以梁大同中归于世祖，高祖之讨侯景，时世祖在吴兴。景遣使收世祖及后。景平，被赦免，高祖建国，永定元年，后为临川王妃。世祖继位，立为皇后。废帝继位尊为皇太后，高宗继位，以后为文皇后，陈亡入隋，大业初自长安归于江南，顷之，卒。

废帝王皇后，金紫光禄大夫固之女，天嘉元年为皇太子妃。废帝继位，立为皇后，废帝为临海王，后为临海王妃。至德中薨，

后生临海嗣王至泽，至泽以光大元年为皇太子，太建元年，袭封临海嗣王，寻为宣惠将军，陈亡入长安。

高宗柳皇后，讳敬言，河东解人，曾祖世隆，司空，尚书令。祖暉，官至秘书监，父偃，尚梁武帝女长城公主，拜驸马都尉，大宝中为藩阳太守，元帝以后配焉，承圣二年，后生后主与江陵，明年江陵陷。高宗迁与关右，天嘉二年，与后主还朝，后为安成王妃，高宗继位，立为皇后。

后美姿容，身長七尺二寸，先娶吴兴钱氏女，及即位，拜为贵妃，甚有宠，后主即位，尊为皇太后，陈亡入长安，大业十一年薨于东都，年八十三岁，葬洛阳邙山。

后主沈皇后，讳婺华，贞宪侯君理女，母即高祖女会稽穆公主，主早亡，时后尚幼。太建三年纳为皇太子妃，后主即位，立为皇后，后性端静，陈亡，与后主俱入长安，后主薨，后自为哀辞，炀帝为宇文文化及所害，后自广陵过江，不知所终。

后主张贵妃，名丽华，兵家女，家贫，后主为太子选入宫，时袭贵嫔为良娣。贵妃年十岁，因得幸，遂有娠，后主即位，拜贵妃，性聪慧，隋军陷台城，妃与后主躲入井内，晋王广命斩贵妃，葬于青溪中桥。

《汉书》、《后汉书》、《三国志》、《晋书》、《北史》、《宋书》、《南齐书》、《梁书》、《陈书》、《隋书》